

獲鹿縣志

671.1355
078
16

鹿縣志卷之十二

人物志

河嶽秀靈之氣萃於物者爲奇材萃於人者爲奇傑士君子德行道義譽滿一鄉此入爲名儒者卽出爲名臣也况鹿泉自五代以來賢才輩出或表忠貞之節或馳孝義之名或擅文章之美或儲武備之才他如隱逸流寓諸賢山林嘯傲旅館羈棲落落英姿亦足增史乘光焉甚或有松齡益竿瑞輯青編柏操流芳褒榮彤管予嘗網羅散失博採見聞仿諸史例各爲表揚不敢遺亦不敢濫耳至宋太

宗時以戰功著者則又添宦官一類並垂不朽作人物志

鄉賢

五代

史圭

明敏好學為晉寧樂壽令有善政邑人立碑頌之
晉高祖召遷吏部侍郎分知銓事有能名以疾卒

宋

賈昌朝

字子明釋從曾孫天禧初正宗嘗祈穀南郊昌朝
獻頌路左召試賜同進士出身主晉陵簿賜對便
殿除國子監說書孫奭判監稱昌朝講說有師法
及奭侍讀禁中以老辭薦昌朝自代召試中書上
言禮母之諱不出宮闈今章獻太后服除猶諱其
父名非尊宗廟也詔從之景祐中置崇政殿說書
昌朝誦說明白帝多所質問昌朝請紀錄以對賜
名邇英延義記注加直集賢院太平興國寺災且

夕大雨震雷廷議修復昌朝言易震之象日海雷震君子以恐懼修省近年寺觀屢災此殆天所示警可勿繕治以示畏天愛人之意西域僧獻佛骨銅象昌朝請加賜遣還母以所獻示中外帝悉從之累遷右諫議大夫權御史中丞兼判國子監議者欲以金縉啗契丹使攻元昊昌朝曰契丹有功則責報無窮矣力止之乃上備邊六事多施行之又請度經費罷不急歲所省緡錢百萬慶厯三年拜參知政事充樞密使尋拜同中書門下平章事集賢殿大學士仍建樞密使元昊歸石元孫議賜死昌朝曰自古將帥被執歸者多不死元孫由是得免詔有司議升祔奉慈廟三后有司論不一昌朝曰章獻母儀天下章懿誕育聖躬宜如祥符升祔元德皇后故事章惠於陛下有慈保之恩當別享奉慈廟如故從之七年春旱帝避殿減膳昌朝引漢災異册免三公故事上表乞罷遂除武勝軍節度使判大名廕鎮鄭州許州請修河故道救民水災全活甚衆英宗治平元年以侍中守許州力

辭弗許明年以疾留京師迺以左僕射觀文殿大學士判尚書省卒諡曰文元御書墓碑曰大儒元

老之碑所著羣經音辨通紀

時令奏議文集百二十二卷

元

賈居貞

字仲明初爲行臺從事世祖在潛邸知其賢召用之授中書左右司郎中從帝北征每陳說資治通鑑雖在軍中未嘗廢書一日帝問郎俸幾何居貞以數對帝嫌其薄勅增之居貞辭曰品秩宜然不可以臣而紊制劉秉忠奏居貞爲參知政事又辭曰他日必有由郎官援例求執政者將何以處不拜時阿合馬擅權忌之改給事中同丞相史天澤等纂修國史十二年阿里海涯取江陵以居貞簽行省事留鄂於是發倉廩賑流亡宋宗室子孫流寓者廩食之時東南未平州郡商旅留滯者給引遣歸免詔商稅并湖荻禁造舟數百艘駕以水軍不至病民一方安之十四年拜湖北宣慰使命未下居貞閉門不出而驕將悍卒合謀擾民乃復出視事人情以無恐及行鄂老幼號送刻像祀之十

五年遷江西行省參知政事未至民千里迎迓時
逮捕民間受宋二王文帖者甚急坐繫巨室三百
餘人居貞至悉出之投其文帖於火士卒有挾兵
入民家誣爲藏匿以取財及子女者悉繩以法以
疾卒於位追

封忠國公

史天澤

字潤甫天倪弟太祖時從其兄以帳前總領治正
定天倪遣護送其母歸北京旣而天倪爲武衛所
害天澤毅然曰兄弟之讎義所當復况關軍國之
大事乎雖死我猶甘之卽僨黃裝易甲仗商還討
兵擊武仙且請濟師承制命紹兄職爲都元帥俾
笑乃解副以橐書兵三千及會兄天安合勢進戰
大敗之仙奔雙門遂復正定旌又爲武仙襲據天
澤以銳卒夜入仙遁去笑乃解怒民從賊驅萬餘
人將斬之天澤曰是皆吾民但爲賊所脅耳殺之
何罪力爭得釋乃繕城壁立樓櫓爲不韙狹之計
招集流散存恤困窮民得休息世祖時拜左丞相
尤多經濟偉譽卒贈太尉累贈太師進封鎮陽立

廟諡忠武世比

郭子儀曹彬云

高 傑

至元間補國子伴讀嘗作太行書院立靜修祠以
延生徒誨子弟講道其中而從遊日衆子禧治春

秋爲河東

廉訪司

王 思 廉

幼師太原元好問至元十年授符寶局掌書十三
年姚樞舉爲昭文館待制尋改翰林待制嘗進讀
通鑑至唐太宗有殺魏徵語及長孫皇后進諫帝
命內官引至皇后閣講衍其說后曰是誠有益哀
衷爾宜擇善言進講慎勿以瀆辭煩上聽也裕宗
居東宮思廉進曰殿下庶中宜建學官俾左右近
侍常親正學必能裨輔明德裕宗然之藩王乃顏
叛帝親征思廉間謂留守段貞曰藩王反側地大
故也漢晁錯削地之策實爲良圖蓋爲上言之貞
見帝以聞帝曰汝何能出是言也貞以思廉對
嘉之遷正議大夫樞密院判官成宗即位進翰林
學士以請歸起爲工部尚書歷翰林學士兼旨致

仕卒蓋
文恭

明

任

雍

甘子里人永樂時以明經舉進士任陝西延安府
中部縣令有善政邑人德之以疾歸壽八十四卒

鹿之甲第自雍始永康王命

為立黃甲開先坊見建置志

石

鳳

性鯁介敦樸宏治舉進士歷賓至郊府囊無餘貲
解官歸舊業一如寒士時無所增益在任常艤舟

江中值冤獄一訊立

得罪狀郡守嘉之

盧天錫

性樸實寡言笑窮約守志雖貧無儲粟不肯
事干謁兩任教職生徒仰重餘見隱逸列傳

曹時聘

韓國瓚傳

廣靈人

少可盜曹公諱時聘字希尹號關山隆慶庚午舉大
辛未進士任總理河漕提督驛務御史察院御史工

部右侍郎其先巡撫應天閩大開礦增稅靈國害
民公抗疏直陳拯民塗炭吳人德之祀公於茅山及
懸南兵北戶曹郎出守臨洮爲墨撫所劾逮問事白
起守鳳陽值歲饑設法賑濟多所全活擢山東副憲
而濟寧諸宿役立破民產者一旦震洗基爲印川潘
先生推重陞任徐州兵備與當事爭河議省興作鉅
萬遂有總河之命初視事闕工周度具悉襍宜於泃
泃淺溜堅石堰以身程督刻期竣工消艘銜尾而泃
於黃寒蘇莊決口乘力夫挑自朱旺口以達小浮橋
延袤百七十里而百餘年間開塞無常之故道一朝
全復其先黃河南徙徐邳之流幾斷修補之需歲費
累萬公乃節縮錙銖與丁卒同勞苦風餐露宿思盡
艱辛始集事時公丁太夫人憂去天子問黃泃事宜
公疏對鑿鑿以治河比之治兵以所條列隄守十事
下所司舉行湯賓尹所稱黃治則泃治泃治則漕可
無虞余攷曹公設施奏議誠先後治河者之宗也厥
功偉哉因採其
疏稿入文翰

崔應麒

編修張烈傳

少司馬崔公諱應麒字獻可獲鹿人少時與邵邑趙忠毅公同學恆山講堂隆慶五年舉進士歷五臺灤縣汲縣知縣有聲遷戶部主事歷郎中出知濟南治行最遷河南按察副使帑汝洛饑民相聚爲盜公練兵飭備部中獨無恐賊掠魯山寶農率衆往擊之賊大潰不敢復近其境時民饑甚草木皆盡從澤中爭啖雁糞公囊二升急控御史御史陳登雲以聞獲賑全活無算又鑿汝水灌鹵地得良田數千頃汝民建祠渠上祀焉遷陝西督糧參政邊餉宗祿向皆徇私請爲輕重公一切均給咸大喜進四川右布政使時播地初定議令新舊占籍者各輸直以充建置城舍之費有司利其膏潤嚴剝迫之人將譁而楊應龍遺黨吳洪者因而煽之陰結安疆臣聚衆數千爲亂總督王象乾聞變呼公策可使定亂者某某皆不稱卒曰無如子者子爲我行需兵幾何公曰播厭亂久矣有司失於撫綏奸人乘隙黨與未多今以兵徃民必

駭竄是驅之叛而樹其黨也但宜速往撫之遂單騎
往馳檄諭之先是播中傳大將軍重兵至矣盡驚遁
山林至是捧檄泣比公至亂者散過半吳洪走公檄
責安疆臣斬之於是問民疾苦知爲田價所迫乃上
議督府曰播土田直蓋爲善後計也乃今日之民情
事勢則意料所不及者前經桐梓遵義聚萬五百里
棲址之卑陋莫蔽風雨服食之麤糲下同犬豕故土
舊民流離日久房室灰燼與轉徙人尸不殊卽四方
負耒而來者裸身赤手原無厚實一旦責之三四十
金何從而辦欲去而原籍無家欲留而資身無計進
退兩難愈增多故耳盡蠲除便督府允之旣而訪知
轉餉之苦先是征播時兵食轉自重慶一人轉餉數
人荷糗隨之一人疾諸人坐糜糗糧俱槁死於路不
則歸復辦數人糧以齋而噬於虎豹隕於崖谷鮮全
歸者公曰曩不得已耳今何爲乎改重慶輸折色就
近平糴糧溢十之三民獲安堵於是督府念東南旣
定詢可任保障者莫肯往復以屬公薦進左布政使
管漢義道事至則築城堡建驛舍立學校置屯田給

牛種招流移視險要周民隱窮山鳥道足跡皆至爲瘴所侵幾不起督府憫之令出綦江調理公不可曰死一也綦江與播何異恐一出而播民失恃復亂也未幾有清界之事播之南偏東西六百里亘八十里皆沃壤安疆臣乘楊應龍亂而竊據之播平總督李化龍定其地參將劉勝成焉化龍去勝受疆臣賄棄地與之疆臣令安順臣據守公按其地足遵義之半烏江峭險可以制敵不當棄而疆臣固爭御史李時華至之會安順臣懼疆臣好殺率衆歸附時華以勾敵啟釁劾公吏部稱應麒清望素著姑離任聽勘旣而化龍言棄地非便象乾上疏力爲訟冤而時華亦覈公功以聞復起隴右道平礦徒有功旋以右副都御史巡撫陝西是時礦稅病民秦稅甲天下公請罷稅賑饑允減三之一復屢疏求減額不報公知中官信浮屠乃數遺稅使書論業緣輪迴之說令自爲疏減詔從稅使議遂免逋欠數萬擒獬獬爲剽掠者數百人民賴以安至邊將喜事則諭之曰吾在隴數擲邊道知此稔矣今大將所將不數萬人且沿邊乘障

苦乏隔歲糧欲於此撲殘卒竊孤旅田父爲功敵報復成殺慘不忍聞以此薦廟場休爲子孫世世業吾不爲也其繕牆堡利器械明烽燧遠斥堠謹守禦之而已紅水溝聞警親督兵大創之邊事綏靖陞兵部右侍郎復以平播功進一級未幾舊瘴毒病發告歸家居四年卒公爲人沈默廉直義所當爲不避勞怨知澠縣時寬逋賦株累者令民復業以此奪俸三年鬻產自給清藩地予民推官持之終不屈潯陽關蠹役皆強有力者爲之官不敢齟齬公至一時斥百餘人以持已無瑕卒亦無患用兵有奇畧所在成功歸田日憫幅無侷容望里門則下車野叟老嫗見之喜謂曰汝來耶公趨前揖之問寒暄或將過故人家郗中婦子相與遲於途意必車馬赫如已而一老人角巾素袍駕犢車而等待者已久問崔巡撫不果來耶有識者曰此是也於是悲歎共儉樸云

國朝

魏復鳳

當湖陸隴其稼書撰

字雝伯又字陽伯其先山右洪洞人明永樂中始祖成甫公乃遷獲鹿公嗜讀書穎悟非常幼襲其伯知節殉難陰順治戊子登賢書戊戌成進士庚子謁選得江右新建先是以錢糧被累羈候者五令公下車卽爲出結縱令還五令曰我等去獨累公矣公曰毋徒自苦吾以一身當則公等可悉免豈不愈於同死乎五令皆泣拜去新建當省會衝繁之區國鼎初定人心未安三藩跋扈軍興旁午諸上官皆同城公外供郵驛內禮督撫每日昃猶不遑食秉燭後乃得理縣事而積玩旣久難以催科兵荒之餘盜賊竊發公奮然策勵謂盤根錯節乃別利器十年間民安盜戢弊剔糧清臺使交薦稱爲疲邑健令以卓異膺行取擢御史第一康熙十二年試四川道監察御史巡視北城提綱振紀多所建白未及瓜特差巡按兩淮鹽政題綱湖南江西等郡逋課數十萬剔蠹釐弊一年報滿嗣以江南道稽察崇文稅課不以一毫指染鼎

計五年中章奏無虛日而西臺諸疏載在史館八疏
德如請修經書大全一疏大闢教化慎刑明條一疏
著爲令典其所矜慎全活者不少戊午詔舉博學鴻
詞公特薦杜悅袁佑崔如岳等十餘人皆文行兼優
之士尋爲督捕理事官洗冤察復多所平反二十一
年爲大理寺少卿奉命告祭炎帝虞帝二陵遠涉湖
湘輅車所至采風作賦有南征紀畧行世復命道出
故里以雨大人春秋高欲求終養兩大人趨之出曰
事君卽事親耳公勉赴補無何相繼考終公哀毀跣
奔喪祭盡禮公有三弟悉以父產鼎新與之曰吾已
食祿不當更饗父產也持服家居不預外事惟課子
姪及諸孫學而邑中文學有品之士亦莫不登堂請
業焉服闋再補棘寺與中州許公三禮爲同官每值
熱審共相參定多所寬宥未幾由太僕爲宗正職司
潢牒厥任甚鉅惕惕惟勤晨興趨署日中乃返食少
事煩遂以疾卒於官詔馳驛歸葬卒年六十有六○
贊曰余宰靈壽時公適居林下問遣往來不絕及廁
御史行公在宗人位愈尊矣然促膝京師每道其宰

竊疑作御史時事慷慨激烈談之不倦蓋公不以位
之尊爲可喜而惟以效力建白於國家爲得志也則
公亦今世之所少哉古大
臣匪躬之誼其庶幾矣

論曰鄉賢之稱一方俎豆定自

朝廷非里黨宗族所敢私况考其人必須經濟學問粹然無
疵方足應茲

曠典舊志史圭等十二人祇散見於人物今專立一門尊之
曰鄉賢列傳以冠人物之首云

宦績

宋

賈 琰

字季華以父緯蔭授臨淄雍邱主簿歷通判澧州
太宗尹京奏爲開封府推官加左贊善大夫卽位
超拜左正議大夫樞密直學士未幾擢三司使琰
風神峻整有吏幹佐太宗居幕府凡五年勤於其
職昆弟五人琰最幼及諸兄相繼沒琰撫循孤幼
聚族凡百口分給衣食家庭無間言士林稱之
字長卿昌朝子以父蔭累遷工部侍郎政和中以
顯謨閣待制知應天府徙鄆州永興初陝西行鐵
錢久幣益輕蔡京設法盡斂之更鑄夾錫錢幣稍
重京去相轉運使李諫陳敦復見所斂已多遽請
罷鑄鐵錢自關以西皆罷市民不聊生炎獨一切
弛禁聽從其便其後宣徽使童貫又以兩者重輕
相形遂盡廢陝西不得用民益以爲苦炎徙知延
安因表言錢法屢變人心愈惑今人以爲利者臣
見其害以爲是者臣見其非中產之家不過蓄夾
錫錢一二萬旣棄不用則惟有守錢而死耳邊疇
生理蕭條官又再變法卹延去敵近民殊不安民
不安則邊不可守願得內郡以養母乃命爲穎州

賈 炎

未行復留又與貫制疆事不合貫沮之改河陽又改鄧州加直學士知永興入對留爲工部侍郎貫簽書樞密院河北兩房侍從邀炎俱往賀炎曰故事無簽書兩房者彼非執政何賀爲會以疾卒志曰古稱才難而賈氏一門祖孫父子如緯之史學琰之吏幹昌朝之相業炎之建議騰芳媲美輝映後先鹿之人才於斯爲盛今據史傳所可考者備紀於篇其有宋以前蓋多湮沒不可述矣

元

史天倪

字和甫其先永清人太祖時金將武仙以正定降木華黎承制以天倪權知河北西路都元帥行正定府事天倪言於木華黎曰今中原粗定所過猶縱劫掠非王者弔民伐罪意也且王奉天子命爲

天下除暴豈復效他軍所爲乎木華黎善之下令敢有剽掠者論如軍法後武仙之黨據西山腰水鐵壁二砦以叛天倪直擣其巢掩殺之仙怒謀作亂乃設筵邀之天倪至刺殺之死年三十有九初天倪之赴正定父秉直密戒之曰觀武仙之辭氣終不爲我用宜備之天倪曰我以赤心待人人或相負天必不容願無慮秉直乃攜其孫楫權以行至是前一日有大星隕馬首聲頗震心惡之果及禍妻程氏聞亂恐汚於賊與幼子三人俱死於難惟楫權以從祖得脫後以正定爲世業徙居獲鹿

見建置志

史氏墓碑

史天安

字金甫天倪弟武仙殺天倪於正定天安率衆會天澤併力攻仙敗走之以功授行北京元帥府事治正定乃審形勢布方畧數年間盡掃窟穴天安好學通經尤精於書其生平不喜植產臨義事視財若糞土嘗有衣冠女遭兵變流寓失所揮金贖歸之世祖初宣權正定等路萬戶賜金符卒之日

橐無積藏而勲名尤著

見於世見建置志墓碑

史楫

天倪子世祖時爲正定兵馬都總管朝廷始徵包銀楫請以銀與物折仍減其元數詔從之著爲令各道以楮帛相貿易不得出境二三歲輒一易鈔本日耗商旅不通楫請立銀鈔相權法人以爲便或請運鹽按籍計口給民以食楫爭其不可曰鹽鐵從民貿易何可準差稅例配之議遂寢元氏民有愬府僚於達官者質之無實將抵之死楫力爲營解達官曰是欲陷汝輩死地何反救之楫曰誅之固足以禁後未若宥之以愧其心人命至重豈宜以妄言而加之極刑乃杖而遣之中統元年授正定路總管通判本道宣撫司事楫謹身率下明教化信賞罰任賢良汰貪墨恤衆獨民咸德之所舉州縣佐吏有文學者三十人後皆知名

史樞

天安子宏深簡重風骨俊爽自總角時已如成人世祖以勳臣子命知中山府清廉有治績從憲宗

伐宋爲先鋒奏捷大宴帝命皇后親飲樞酒因諭曰我國開創以來未有后親賜臣下酒者樞父子世篤忠貞故寵以殊禮有能盡瘁事國者禮亦如之後官至山東宣慰使

論曰史氏兄弟多奇才一時並以謀畧勇戰策名元代雖曰天授亦其漸漬於聞見者深也史天澤以世臣之望位列元勳觀其中統召對之奏明體達用蓋智名勇功徒以將畧見耳至其矜恤民命一言之行利及數世固足以庇蔭其子孫云

明

張重倫

字崇敘邑南寺家莊人先世自魚台遷鹿祖父隱德弗耀至重倫始以文學知名試必冠其儕輩嘉

嘉丙午領順天鄉薦累困公車垂二十載丙寅謁
選得河南之考城令潔已愛民課農興學寬賦稅
裁冗役除盜察奸有古循吏風邑與開封杞縣接
壤杞之豪民越境置田數百頃竟以不便已私指
稱田舊屬杞與考城民爭訟累任不決當事檄下
開歸二府會勘重倫力爲分之疆界得正考城久
乏科第逾三十年乃蒞學校親爲講解月有課歲
有程諸生陳所聞寧嘉會等得相繼發科其他行
事專尚惻愷勤於惠下而拙於逢迎左遷武昌教
授於是明學術飭行誼多士彬彬然興起矣嘗委
署邑篆其政蹟大平與考城相類而荆南道遠風
土不宜尋以疾歸天性孝友母趙氏晚年折脛憂
形於色朝夕裹藥敷傷臥不安席其事兄恭敬退
讓老而彌篤家庭之間怡怡如也解組後與田夫
野老結柴桑之伴絕跡公門邑大夫罕見其面時
南鄉諸士爲文於金河寺挾冊就正欣然賞析口
講指畫雖師弟之間其砥礪切磋不是過也
手鈔左傳史漢韓文公集凡若干卷藏於家

孫化龍 隆慶戊辰進士累官按察副使山西兵備道歷任三十餘年士民德之見文翰

王家相

混令 葉廷秀撰

字豫南世居邑之小畢村予於庚午調任是邑爰咨減明取益予賤而輿論以公對屏輿從兩造其廬而始見見而茶予酒予款語谿竹間談不溢桑田晴雨外幾不知公爲農父爲里紳也因而廉公之行初登萬厯戊戌榜通籍二十餘年補西曹副郎以署讞不能作違心事旋告病歸越六年司爵以之補正郎公若弗聞也及又補池州守始強起赴任凡六月以廉謹聞會南臺御史經其郡不克備贊儀遂被彈大歸彈文中有懶慢止宜投閒好爵豈容虛糜之語公深德之以爲知己歸棹江中避盜劫他舟見公小船搖手曰勿驚王清官及歸足不近城闕言不出家事刺不入公庭使令無他減獲惟二三方農歇脚客至則二青衿子行酒供事而已居恆短衣自適自言日費三十文足矣野老叩門問姓開扉輒共浮大白時躬

耕隴上見有盜已禾者急匿影林中偵其人去乃出
旁觀駭問之曰竊取幾何終不如在地之多且此輩
皆鄰族恐難相見盜聞之相戒曰以後不可復盜王
進士禾矣蓋里人久相忘咸以進士呼之云予令邑
僅三月凡三式廬與談公深於酒理舉盃自遠詢以
不入城市之故舉子美久不入城市畏人嫌我真之
語爲答詢以民情士行曰明公自知之自爲之終不
形一語指點一方山水則歷歷津津清風蘭臭穆然
入人予嘆息公古人耶農人耶抑真人耶庚辰春予
過訪公墓草已宿予爲題其墓因問其子孫則一子
失一子擄幼孫方六齡公卒於破邑之前一歲以壽
耆終遺囑二子友愛之外無他言自整野人衣冠舒
眉含笑而逝○讚曰不貪名不嗜利凡俗之所好皆
先生之所棄陶情盃酒泊乎自給濁世清修名教樂
地予有取於斯人
情豈以生死而異

國朝

魏壯

丁增祐撰

字正也號貞安幼穎異孝孀母諸子百家皆遍覽而尤留心於經濟乙酉登鄉榜丙戌成進士授山左之臨邑縣甫下車訪得積惡大蠹李朝麟立斃杖下邑人稱快時西北用兵戰馬軍糧皆派官解送而公適與焉間關萬里僕從皆懼而公獨怡然曰此臣子効節時也何畏焉是冬歸

特召引見授常德知

府賜予甚渥濫旨遣之未幾採辦銅劔事務繁重卽破產捐俸不惜也陞廣西倉梧驛鹽道任月餘革鹽弊陋規銀十餘萬兩尋調福建延建邵道海運江南漕米二十餘萬石備厯艱辛將回署又採辦解運皇木至江甯

特陞鴻臚寺正卿舟次德州

疾作卒於官公慷慨存爲文章氣節聲振一方而宏才未究猝逢二豎

聞者莫不深悼之

魏觀

李豐錦撰

字賓也康熙乙酉同堂兄壯堂姪述祖領鄉薦丙戌
捷南宮筮仕浙江諸暨縣時鄰治富陽饑撫臣掄選
監賑者觀受調往乃杜侵漁嚴膏濫全活甚衆陞主
事未卽任聞山西饑捐資馳赴以賑富陽之術佐

命使而山西以安事聞進員外郎未幾畿輔又

饑

朝議遣大臣朱某往賑之朱某復薦觀觀徹

車駑馬親身監賑百姓望之如望歲焉事竣

特授太平倉監督先是漕米山積皆露聚風雨飄沒

人畜踏踐及給發時墨吏旗丁乾沒不已觀至卽鳩

工庀材築版若干間以儲糧復稽出入剔奸詭國計

民命因以有托尋授江南鎮江知府又調知紹興席

未煖授江南按察副使蘇松太道職專河道兼理鹽

務遂大挑蘇松白茅等處而江南無鹽仰食浙江鹽

賊充斥正課見壅遂奉督撫檄親將人役獲巨盜數

十人事聞紀錄一次時有忌之者欲逐觀觀欣然曰

吾受國家知遇寧無以報何以官爲遂以原官致仕

張丕亨

字位南考城令張重倫裔孫也以雍正癸卯舉人
試用山東始署兗州府通判督運闕里廟工木植

及解甘肅餉銀軍需驟頭并監收通倉粟米再
署臨邑縣事適值災緩長完銀兩奉文改抵正賦
額缺獄囚屢繫諸政叢脞不亨次第清理輕重各
得改署壽光壽邑俗悍民刁不亨察核利弊銳意
興除會彌河口決冲淹地畝一二千頃卽率築隄
耕種水不爲災麥收如故又署兗州廳事隨委嶧
縣魚臺二處捕蝗俱就撲滅題授武城縣令旋調
魚臺魚臺地濱河素稱劇邑 欽差查河撫道
咸集乃指陳河務動中肯綮時議去獨山湖草以
備蓄水不亨以河工需草力爭罷之會挑浚河身
民憚遠役設法雇募一時稱便旋以卓異引 見
候陞適遭黃河水溢入秋霖雨堰水不洩詳報確
勘請酌蠲緩遂議賑濟平糶民沾實惠卒無死徙
焉擢甘肅蘭州監督進除江西南昌府同知凡四
爲縣令三作治中交不諂上愛不瀆下見幾而作
無少顧戀迨退居林下太守慕其行誼適行鄉飲
酒禮延爲大賓紳
士於以觀法焉

崔國棟

字隆吉少司馬應麒之元孫也生七月而孤比長以孝友聞刻苦耽書以古人爲可到屢躋棘闈學愈淵博歲丙辰邑令擬舉賢良方正是秋中式順天鄉試因弗果舉丁卯選授福建屏南縣屏爲古田分邑諸事都未就緒國棟至興學校課農桑措置經營諸務畢舉上憲嘉之未及期而調任南安尤號煩劇理釐案牘日不暇給數月間結未完舊案以干計桂林陳榕門適來撫閩深爲嘆許時有潭州匪案調派承審平允明決結案奉旨議敘嗣因他案爲大部所駁赴京引見奉旨發往江南仍以知縣用遂補宜興數月調任吳縣又調山陽連辦修城挑河之役躬親督理未嘗累民在官以廉謹聞有巨猾欲以賄餌執法痛懲之吏民惕息坎坳宦途二十餘年恆如一日告假歸里行李蕭然年

七十三卒於家

崔國柱

字公和雍正己酉拔貢選授江南南昌縣縣丞廉潔自持值歲饑上憲委監新安二縣施粥初到書

役供給甚衆公卻之自備食饌書役遂不敢漁侵全活者無算兼管老人堂事每散米鹽務令足數冬給縣衣必使溫厚老人感德後署建昌縣知縣愈兢兢自守無異爲丞時在任數年慨然曰有先人之田廬可庇風雨可備饘粥吾

老矣何戀此升斗爲哉遂告歸

龐光耀

道光辛巳舉人任景州學正咸豐四年二月粵匪竄入阜城賊勢逼近時州牧帶勇隨營吏目攜眷先遁城中無王軍民逃散光耀集紳耆於學署曉以死守之義督令屯閉城門登陴固守卒賴保全賊平保加知州銜以老致仕同治四年卒

論曰古人有不朽者三立德立功立言是也人物中有鄉

賢以開立德之先卽有宦績以載立功之大我獲鹿賈氏

祖孫父子史氏父子兄弟常則經邦論道變則定國安民

宋元間一偉人耳外此府道邑令經濟匡時以循良著者
正不乏人迄今鄉黨之間婦孺猶樂道其軼事以爲一邑
美談焉嗚呼世之爲仕者第爲宗族交游光寵計而不亟
思其建樹何哉

忠烈

明

曹時熙

字企山由增廣生入國學任正定衛指揮有膂力
尚氣節以老致仕戊寅城陷力戰而勢孤嘆曰勢
不可爲矣乃壘其妻恭人高氏並其
幼子於夾牆滅其迹隨觸牆而死

魏天貴

字崇祿三子知節知簡知策皆諸生而知策善騎
射崇正戊寅邑有兵呼三子語曰邑有兵當共禦

之遂攜家入城城圍天貴告署篆通判呂公議戰
守命知策守東南知節守西北五日而援不至貴
乃遣知策突圍請救巡撫張其年漠然如不聞是
夜回縣揚言兵且至而以實告天貴越三日城陷
賈一慟而絕知節鬪死知策手刃子女投之井中
奮勇巷戰敵以火攻遂冒火死事聞懷宗為誅撫
臣而遣官致祭知節勅封無愧臣子諡節烈
知策勅封忠孝生員諡忠孝建祠東關外

崇正戊寅殉難節義題名碑

呂之蔭

正定府通判
署獲鹿縣事

周新命

元氏縣縣丞署
獲鹿縣縣丞

楊審

獲鹿縣儒
學教諭

陳愈美

儒學
訓導

張孝友

儒學
訓導

王晉儒

獲鹿縣
典史

劉邦祚

井陘道忠
兵營千總

王振基

井陘道忠
兵營千總

程士繁

鎮寧驛
驛丞

鞏阜圖

原任吳
縣主簿

趙民徵

前任博興
縣知縣

謝昌緒

前任會寧
縣知縣

李躍淵

前任永寧
縣知縣

曹應辰

武舉

曹又徵

聽用
千總

武振山

武舉
千總

李喜權

武舉
千總

呂漢

晉州癸酉武
舉旗鼓千總

孫振業

貢
生

楊鳴鳳

選貢
生

胡士醅

監
生

胡士燦

監
生

楊奇貴

陰陽
官

王志亮

醫
官

曹天溪

葛枝桂

高魁

崔汝道

魏天貴

生員

崔一驥

傅之化

魏知節

勅旌無愧臣
子諡節烈

葛枝芳

高薦

牛冲斗

魏知策

勅旌忠孝生
員諡忠孝

王泰運

傅湛

葛枝蘭

孫法

劉正章

黃之鼎

曹爾銘

高轉

梁朝棟

孫清

馮增

曹鑣

孫斯暹

張奇徵

王鴻儒

段如錦

曹定徵

姚維遜

趙豪

曹鏖

曹廷宴

曹元福 崔良翰 李養成 曹迥徵 王政立

曹嘉福 高繼志 謝邦才 曹鎮 陳鼎望

陳壯猷 葛四端 王端 曹鏞 傅一紳

王秀 梁衍 崔承宏 曹獻徵 葛枝英

郝玉祚 丁浣初 高聯第 陳思忠 王褒

姚葉泰 段白彥 鄒厚蘭 鞏金甌 張啟祥

金之後 崔元枝 趙宏翰 盧鴻傳 崔圖

東士傑 楊邇蘊 楊日連 却正朔 趙滋美

傅時濬 吳喜元 崔裏 楊維風 鄧苗

崔煥然 李 王一鳳 王如愚 崔允升

魏鈞鼇 李黃象 班衣彩 陳道常

孫 鏜 賈三桂 孫鶴徵 崔 祐 孟聖聰

黃家植 班于楷 牛光燦 高之屏 傅一緒

楊文運 崔 田 孫粹白 楊日璋 王興賢

崔元袞 劉加會 李黃鐘 胡應瑞 孫冲乾

高運亨 高繼空 牛映斗 梁佳直 高含馥

曹時明 曹 綱

義民馬從祿等七百餘人

舊志曰生死關頭惟義爲重義之所在與其苟且以圖生不如委身而就死故當獲邑兵難若官員若士庶舍生取義理順心安宜其著佳名亭廟食於不朽也奈至今日殘碑徒在祠宇無存憑弔之下曷勝感慨因特表之以爲偷生負義者鑒更望仁人君子循故蹟而增修之也

取義祠魏知簡崔英孫斯盛等九十餘人公舍地畝數目開列於後

一段坐落嶺西地十五畝 一段坐落嶺東地五畝 一段坐落城東南地七畝三分四釐 一段坐落城東地五

畝一段坐落城東地十畝取義祠地基一畝八分八

釐

舊志論曰戊寅之禍酷矣而鹿之殉節者或縉紳之士或
草莽之人或介冑之英或閨閣之秀灑氣不屈貞心不磨
爭一死以報國殺身以成仁在死者或含笑於在天而題
名表忠在生者方且闡揚於不朽矣夫綱常之大廉恥之
嚴欲家喻戶曉而不能一旦大變故大患難當前計不旋
踵慷慨赴死視此身如鴻毛而此身於千秋萬世後重若
泰山者其天定也其天定者其氣亦壯生死關頭惟爭此

耳而不然者徘徊顧慮其不訕且笑於後人者幾希

論曰鹿城戊寅兵變官紳民婦殉節者動以千餘計殘酷之慘莫此爲甚識者謂鹿人之不幸其說似也而不知就生前論之則似不幸就死後論之則又不幸中之大幸也夫世不亂則忠不出時不窮則烈不彰自古志士仁人苟不值兵戈之變則有心報國而不顯其奇亦第與庸庸者同此一死已耳又安能榮褒綸綍名載史書與古之龍逢比干輩共享廟祀千秋雖死而猶不死也哉嗚呼世之貪利祿戀身家苟全性命者其以安樂生甚不如以患難死

也多多矣彼鹿人何不幸之有云

孝義

五代

賈

緯

諫議大夫
見文翰

宋

賈

炎

工部尙書
見官績

元

史天倪

正定太守
詳官績

史天安

世祖時嘗有衣冠女遭兵亂流
寓失所揮金贖歸聘詳官績

明

王來鳳

事父昂甚孝父卒哀毀過常喪葬一哀諸禮廬墓三年有司疏其事旌表其門

王謚

父璿江西吉水縣知縣致仕卒謚年十六哀痛懇切廬於墓側朝夕哭奠人以孝稱之

任鳳儀

進士雍之子食廩餼父卒哀毀幾絕廬於墓側築臺立祠思念成疾卒

曹賢

為江西巡檢父病願以身代及卒朝夕哀毀廬墓三年不履家闕

許錠

父歿廬墓三年塋中植柏百餘株親手灌溉遂成林人咸稱許氏柏

王興

成化間總兵石某統兵西下道經於邑師缺糧索諸縣令令實無以應遂羈之軍門興聞備糧千餘

石往見求贖將賢之賞以花紅遂釋縣令歲荒民饑興則出粟百餘石以賑之至今子孫繁盛詩書

不絕

云

趙全 成化間有商人宿其家次早去遺銀百餘兩全立門以待客果旋盡出與之商人感其義以半謝卒

不受

曹瑀 字景昌其先自崑崙徙獲鹿父泰懷慶府司獄從

之任開闢郡中疑獄及無辜被逮者輒慘然白司獄祈勿妄困辱人懷民甚德司獄而器重瑀及自懷歸數語子孫勿忘力作故積貲致饒而性儉約衣無重緜食無兼味終其身不更舊廬曰吾留不盡於後人也與人煦煦相下尤樂施予歲饑嘗出粟假人不責其償或有盜其禾者家人縛之瑀曰此迫於饑寒耳何罪焉翁仲嘗欲拓其址因與人爭力止之曰吾不愛尋丈以益仲何爭為其好崇讓多類此既歿其孫椿舉順天鄉試又二十年會孫時聘成進士位通顯而曹氏始盛向讀范文正公燕山竇氏陰德記欣然慕之如瑀者可以風矣年七十值歲荒詣縣自陳輸米百石

杜弼 察之產不踰中人令嘉之區其門曰尚義

梁可愛

兄可佳穎異有大志恨貧不能讀書可愛經商力爲
供給獨創家業與兄共之終身不耕筭後可佳登
賢書任

知府

曹 鉷

庚子武舉仁厚和易好善樂施同時伯叔兄弟子
姪幾三十人戊寅之難皆被害僅存鉷一身其各
門孀居者十數人子皆幼鉷竭力周濟悉得成立享年不永時人惜之

劉守仁

事父母以孝聞父病
歿善居喪廬墓三年

解 相

董尙威

二人於萬曆十九年建義學於村中置義塚於郊
外又施地數畝令種地者祭掃封植不致平毀俱
有碑記以

垂不朽

崔一淳

字厚叔應麟第三子天性孝友字人之孤者三孫
婦曹氏事以子女託淳憐之經紀其家爲女擇婿

復懷憂佐之里有舊族被誣吏惑之將遠家屬聞
人啼泣望救皆畏吏莫措滔毅然作書投當事得
自由是邑人聞不德之其讀書不喜館衎擊悅之
習書日帖括氣靜乃有真文章功名氣平斯有真
事業識者服
之餘見隱逸

丁浣初

進士浣初之胞兄也戊寅城陷兄弟被縛迫以供
使令乃私謂其弟曰汝委曲奉使脫難以事孀母
吾堅死不屈
也遂遇害

魏知簡

字敬甫世居石邑之降壁村兄知節弟知策皆魏
天貴子也少志學負卓犖才左公光斗深器重之
崇正戊寅邑有兵貴挈三子共禦之援師不至城
遂陷天貴及其子知節知策俱殉焉囑知簡勿死
以存嗣因瘞父兄遺骸廬墓三年而不居孝名邑
自兵燹後廟廡傾圮先賢主位及學廡俱淪沒力
倡修葺振興文教科第聿興知簡之力也子雙感
通顯而尤以不負所學勉之後官益尊益自事下

封誥重疊淡如也晚年城居惟與崔正常相往還
把酒論文晝夜無間酒後耳熱卽取所讀經史背
誦刺刺不休蓋其氣節文章本之天性故其子孫
蕃衍科第連縣實蓄德以致之也誥封中憲大夫
壽八十

有四

杜守已 爲井陘道值堂崇正戊寅兵變救出兵
道之子復越城進縣矢志固守卒遇害

國朝

李芳

天性孝友事繼母四十餘年無違顏撫異母弟延
師訓誨年弱冠補博士弟子員後選玉田司訓族
屬無遠近悉力成一
就比里咸稱之

董景龍

與母同在街春木虎猝至銜其母之肩景龍卽以
手抱虎頂面拳擊之虎怒捨其母爪景龍於坐下
多人往救母
子俱得脫

張五常

性慷慨樂施雍正元年饑里人張問仁欲賣其妻常聞之苦勸且日給蕎麥二升使其團聚

杜守貴

康熙十年歲荒里中有不能完種者悉代爲輸納不計償還

曹大受

石光璽撰

邑人

字宏九七歲失恃十八歲失怙事繼母備盡色養母病二十餘年問寢視膳無倦色事兄克盡弟道隅坐隨行未嘗少離左右列鬻宮三十餘年曾無片紙入公門雍正元年有司將舉孝廉賢良方正憲司交牘譽美後雖不果怡如也壽六十有三

崔戰來

東垣吳光默撰

歲貢生少而失怙事寡母以孝聞同胞五人克盡友愛不惜重貲延師朝夕切磨後俱成立異母兄早卒無後以已子嗣焉雍正己酉朝廷下詔求賢良方正僉以戰來應詔奉旨授無極司訓以疾卒

聞者莫
不惋惜

曹夢彬

字建南時聘元孫也天性至孝十二歲時父病力
爲扶持不辭勞瘁父卒事寡母有孝行不數月母
又病衣不解帶者三載百里求醫多方調治病始
瘥合邑成稱孝子父歿後弟輩尙幼教養成立皆
列膠庠中年喪偶身不貳色居貧三日不舉火見
人未嘗有乞憐狀平時遇鄰里不足者力所能逮
卽慨然周之不正衣冠不見客非公事不至縣凡
持躬接物一一衷諸禮法其清介之操可以風世
矣乾隆元年

舉孝廉方正

曹夢璋

性嚴謹慎取舍一言一動務遵禮法父母歿已久
每食猶親祭族人緩急輒量力周之樂善嫉惡
古道照人邑令延爲介賓

榜其門曰雅志清操云

張如連

字近瑚方璧村人同里有韓黃毛者因貧出外年
餘無耗乾隆十七年春韓母以媳蔣氏坐守餬口

無貲終必餓死不如令媳改醮尙可謀生公以媳去則母孤子歸則無室也欲全其節惻然憫之公多方勸諭韓母不允後聞蔣氏再適行有日矣公則修書一紙託郡城曹姓轉求驛馬紆道送至方壁村蓋言口外食糧得一武職定於中秋節旋鄉並帶白銀十二兩以取其信迨季春之吉百兩方迎而一書早至此時姑媳既樂薪水之有資又知遊人之貴顯嫁者不欲嫁娶者不敢娶同里稱賀其事遂寢及屆中秋節韓黃毛不約而歸家中談及銀信伊則茫然舉鄉爲之詫異後耆老索其書而觀之恍然曰某字某句前數月間公一一摘問於予予始不解其意今觀此書其爲近翔之所爲無疑嗟乎近翔用意之厚天人相感團圓夫婦其一身陰德後人莫之及也由是韓黃毛同其母妻登堂叩謝並於朔旦設立生位致祭迄今子孫已數傳矣述及此事猶感激涕零不獨韓姓一家五體投地耳道光二十一年

奉

旨旌入忠義祠

李瑞臨

東羊市村人字甲兆邑庠生性情慷慨施藥濟人乾隆七年前邑令湯公贊云甲兆之在世也有仁有義藹藹吉人不阿不比子子擬立東南之雅望石邑之砥柱故瞑目雖久而芳型猶如昨也勒名

金石以

表其義

張亮

羊角莊人家富好施鄉黨皆以善人稱之乾隆二十五年有山西側孟村夫婦二人避荒至獲皆餓病夫將妻賣與北同治村得錢十緡以自養不數年婦孀居前夫思念其妻常對人哭訴前情或曰爾盍求張亮以謀贖妻之費前夫至張亮門跪求亮如所請當卽給錢求贖買者之家不允嗚官訊明斷歸前夫問所贖之錢何來前夫曰張亮周濟官傳亮至詢之果然官謂亮曰爾誠善士也賜爾匾額以旌其門樂善不倦四字至今匾額猶存

石若蓮

北郊馬村人仗義輕財凡值鄉中嫁娶喪葬不給者量力扶助每歲冬以米麩雜糧周給鄰里鄉黨

四十餘年如一日四方稱善人焉乾隆五十年合鄉立匾額以表之享壽八十一而卒孫蘊章蘊德捐修鹿泉書院及軍餉均出重資前邑令甘公賜蘊章餉軍奮義匾額儒學保舉蘊德鄉飲介賓並賜序賓以賢匾額迄今父子兄

弟之義行噴噴人口不置云

張兆筆

少失恃父傑敘繼娶李氏生子兆篆父病弟幼筆侍湯藥歷年不懈父卒遺田二十餘畝悉付弟篆以事母自以硯田餬口間有不給而怡怡相對澹如也及筆早世繼母李氏撫育孤孫成立蓋友兄慈母聚於

一門云

張廷儒

國子監生鄉飲介賓方壁村人堂弟廷瑞在禮部供職欲在京立一正定會館以爲文武鄉會試聚會之所奈無人倡率勸捐生挺身獨任其事奔走於十四州縣諄諄勸捐歷三年之久始告厥成現於京都四川營內正定會館是也文武耆紳僑寓於此皆稱義舉焉

喬鼎甲

南鄉馬村人素性豪俠屢興義舉每慮村內少讀書者適街口東北有三義廟一座年久摧剝甲倡爲領袖重修之並將廟東自己田產復出重貲鳩工庀材成院一所施爲義學以作人才時在嘉慶二十三年載本

鄉三義廟碑

崔增福

生有至性方七歲母梁氏痼疾日侍牀第奉湯藥歷數年如一日母益欣慰病稍瘥迨後母疾又作增福禱於神願以身代迄無應問卜不吉奉龜而泣慨然曰是朽腐物烏知休咎哉乃遍訪名醫診視更數醫俱言病不可治增福無以爲計日夜飲泣寢食俱廢旣而曰世有偏方濟人轉勝於醫者吾何弗求之一日爲母求藥聞人言某地有病者醫藥無靈已瀕殆矣其子刲肱肉療之立愈因念果爾則誰非人子者敢愛肌膚及歸見母病益殆潛以小刀刲肱肉覺不甚苦急以帛纏血亦不注煎而進之母問何物詭詞以對母食病竟不起尋卒增福一慟仆地家人奔救之扶其腕若高聳解

衣視之則布縷重重血污也祖若父見狀問何爲者初不言窮詰之始以實對鄉人白其事於縣令旌其門曰孝童後應童試名孔穎入庠補增廣生有追稱其刲肱事者輒流涕曰童年無知毀傷肢體罪莫大焉敢爲名耶左肱刀痕終身不令人見道光二十三年八十卒

李天敘

字有典邑諸生也幼穎悟尊長賜諸兒食必後取或先則擇其劣者家人共奇之性至孝父纏綿病榻不能動履天敘衣不解帶頃刻不離左右歷三四年如一日親歿哀毀骨立每食必祭終身不改待兄弟克盡友恭門內皆藹如也鄉黨中有貧乏者量力周給尤喜成就後學負笈而來未嘗無誨其教人不專章句以盡人道爲先嘗語及門曰吾輩讀書須將人字認得真吾之戒謹恐懼無時不然亦求無負於人而已其敦行不倦可以風世云七十六歲卒

潘宗發

諸貢生休門村人輕財好施邑有梁公謙遵誥者以選拔授浙省縣尹貧不能赴任榮發慨然贈金

鄉鄰莫不稱爲義舉後遵詰卒於任不能歸櫬榮發又贈以七百餘金使之扶櫬歸葬道光二十三年捐助軍餉縣尹甘公署其門曰義奮邊防又沈大宗師賜額曰端範粉鄉

馮克溫

字仁育東尹村人慷慨好施凡遇親友貧乏者無不竭力周旋每歲臘底賑穀數十石始終如一易簣時命兒輩將每年外欠簿籍盡行燒毀共計一萬四千餘緡蓋棺之日遠近聞者咸稱義士云

李 聆

十三歲失怙母杜氏守節聆遵母訓苦讀不輟弱冠入庠試輒冠軍三赴秋闈不售侍奉老母不欲遠遊遂不復應試問安視膳以博親歡母死廬墓三年鄉黨稱孝道光十九年五十歲卒

曹允正

字素修幼穎悟父鍾愛之七歲失恃繼母待之虐懼傷父志不敢言十六歲入庠賀客方集母撮其小過大加筆楚客驚救得免又欲逐之於外允正惟自咎日夜飲泣或爲謀之曰君試廢學觀母志若何允正從之母怒漸解後見其人謝焉且問其故答曰此無他但思君有名耳雖然其如顯揚何

允正曰藹堂集慶勝於杏苑探花自是絕意進取
與傭工同操作性愛吟咏借抒其抑鬱之意異母

弟宦江南母隨之任允正時
往省視孝謹愈加里人賢之

趙智

楊家莊人父名子榮家貧適蒙古商販卒智事母
孝母失明朝夕扶持面無厭色母歿智搬父櫬歸

合葬焉里

人稱孝

李獲麟

邑庠生東羊市村人性情鯁介樂善不
倦儒學保舉鄉飲介賓旌額品端學粹

任筆書

字記善太學生秉性慷慨立品端方捐田畝於鹿
泉書院興土木於文昌閣今書院明倫堂等

處均有碑記急公

好義閭里稱之

李涪

字化初邑之恩貢生也事繼母能曲意承歡母感
而愛之初甚貧因與諸弟分爨數年少裕而諸弟
貧如故慨然曰弟輩朝夕不給吾何以安乃召與
同居畧無德色後家益富終身不折箸居鄉謙和

尤好讀書

十七歲卒

論曰虞帝以大孝名周王以達孝著使必執此詣以律斯世則天下無孝子矣吾也降格以求判肱奇行揆諸毀傷之戒雖爲大賢所不尙而畧迹原心根於至性千載下大書特書亦欲後人師其意不師其事庶幾與廬墓孝子後先濟美爲邑乘光焉至於指困高濟人之誼脫驂懷贈友之風所謂慷慨尙游俠者意在斯乎意在斯乎

題增福孝童

邑令

周 榮

炎農造方書獨不載人肉如其可疾云何不見錄流俗

孤屋集元
卷之二
三

感無稽毀傷理則酷猗歟彼童子聖訓膺宜服事豈一概
論度心私禱祝但得病少瘥受創亦蒙福嗚呼此天良平
且未遭特若使有意爲沽名罪難贖願常葆此真蓼莪無
廢讀

題張近瑚義士

曹 鏜

慈烏啼啞啞哀鳴集樹杪有母方思兒聞聲寸腸攪憶兒
當孩提遺孤掌珠寶日夜祝長成焚香向神禱未冠納新
嬾養兒事粗了昏定而晨省兒嬾供梨棗一朝客遠方母
心怒如擣兒比風中花母譬霜後草悲哉生別離游踪期

年杳莫謂忍亡親音書沈鴻鳥莫謂忍拋妻河山隔縣邈
母饑妻聲吞妻寒母心悄蓬廬霜雪中悲啼破清曉相對
泣相商何術免餓殍媳留一家亡媳嫁兩命保母計策萬
全說合憑月老揮淚遞婚書訂期迎娶早此事聞近珊瑚
瘰切在抱代兒作家函寄銀潤枯槁尅日將榮歸僞托計
何巧恐被外人知漏洩空擾擾爲告使者言借乘必紆道
忽飛雀報來萬斛愁全堵母歡妻亦歡狂喜驚絕倒嗟彼
伐柯者聞之增悔惱奔訴主婚人急焚婚書棄事寢終不
聞聘禮毋歸趙中秋返征軺團圓月出皓事事巧相符地

設亦天造此非關人力陰德動蒼昊及探信與銀成全恩
匪小委曲事周旋情誼逾管鮑全家同泥首受恩感蕩浩
古來義士多如君亦稀少採入志乘中何愧題旌表

文翰

五代

賈緯

唐天成中范延光鎮成德辟趙州軍士判官緯長
於史學唐武宗後無實錄緯采次傳聞爲唐年譜
六十五卷晉大廟中爲太常博士數求史職改館
修撰修唐書時詔與王仲寶儼等同修晉高祖出
帝漢高祖實錄初桑維翰爲相常惡緯及維翰死
緯爲作傳言翰有銀八千錕翰林學士徐台符以
爲不可數非之緯不得已更爲數千錕時宰相王
峻監修國史緯書日歷多言大臣過失峻見之怒

曰賈給事子第仕宦亦要門閥奈何歷詆朝士使
子孫何以仕進言之高祖貶平廬行軍司馬卒於
青州

宋

賈昌朝

詳鄉賢
列傳

元

高健

詳鄉賢
列傳

明

曹時聘

詳鄉賢
列傳

孫化龍

隆慶戊辰進士初授推官累遷按察副使山西兵
道性謙和慎重歷仕籍三十餘年隨在有政聲百

家諸子之書無所不讀而不以學問自炫平生著作藏在笥篋人莫能見至若詩文記傳勒之碑碣者窺其一班亦堪矜式云

崔元裕

韓國瓚撰

字正常少司馬應麒之孫孝廉一涓之子也生而穎異年弱冠補博士弟子員數奇不售性至孝明末兵變闔邑被害幾無噍類時元裕父年老且重聽亦被掠將加之刃元裕哀祈再三辭氣懇懇卒獲免族人有志讀書則教之力不怠者則調之由是崔氏文章節義甲於一邑如岳理昭輩其尤表表者也平生爲學不屑爲舉子業研精經史得立言之本旨所纂有四書朱子或問程朱理學傳心皆可爲學者津梁以長子如岱貴封登仕郎

國朝

張奇逢

丁增祐撰

邑人

字石觀崇正丙子舉人任安邱知縣以才能行取工部屯田清吏司郎中遷知杭州府臨政之暇卽溫經史親筆墨著作甚繁無不膾炙人口惜散佚不傳

魏雙鳳

詳鄉賢列傳

崔如岳

石光璽撰

邑人

字宗五九歲失怙下幃攻苦眉髮盡落康熙乙卯領鄉薦文名大振戊午應博學鴻詞科試璿璣玉衡賦并排律二十韻進呈御覽擢翰林院檢討充纂修明史官每賜宴瀛臺如岳輒與焉賞賜優渥且大用時有忌之者調外遂解組歸田足跡不入公門城市亦罕至焉時繼母猶在堂備極色養尤工楷書運筆如風仍不失法度識者寶之

魏鼎

上元黃越際飛撰

字貢元雙鳳長子也性情介尚節儉未嘗以富貴驕人或加以橫逆亦卒無怨尤由廩貢入爲內閣中書盡心乃職十二年如一日外轉浙江金華府同知不之官子弟數苦諫乃勉從之視事無幾卽以老疾辭歸居林下杜門謝客唯煮茗賦詩而已詩彙成旋自毀子孫竊其一二皆格言也未付棗梨遂失次第識者惜之

魏述祖

丁增祜撰

字繩孫雙鳳孫十二歲入泮屢試冠軍二十四歲拔貢乙酉領鄉薦攻苦如未第時從呂氏結山講聖賢經濟之學博通淹貫卓然以當時第一流自命嘗曰讀書非爲功名乃用以慰先人耳元配呂氏歿賦獨且吟以悼之中年誓不再娶辟精舍朝夕其中家事置之度外戊戌成進士未筮仕以疾卒其所著書論

矣一時惜零
落無復存也

崔理昭

石光璽撰

字子潤康熙壬子拔貢孝友素著狷介性成老而好
學五經百家書無所不讀而尤精於易寒天溽暑玩
索不間所著易解
甚多惜多遺失

石光璽

韓國瓚撰

字瑞圖聰明穎異幼失怙事母至孝十九歲遊庠舌
耕硯田恬淡自樂辛卯登賢書乙未成進士任山西
大同府陽高縣知縣性剛直不阿時墨守攝其賄乃
申憲弗少憚雖兩敗歸里而雲中吏民咸寬之詩曰
柔亦不茹剛亦不
吐其斯人之謂乎

魏

琇字廷璋雙鳳曾孫也幼失怙恃家貧力學十九歲
補博士弟子員三十歲食廩餼與其兄魏瑛俱以

文章著名膠序試輒冠軍並嫻詞賦壘篋倡和傳
誦一時不減謝氏池塘蘇門蟋蟀焉琇尤善楷書
臨池洗硯對客揮毫往往得右軍遺意琇以辛未
舉優癸酉選拔銓任保定完縣教諭旋以丙子領
鄉薦而年已五十矣瑛則坎珂
名場屢薦不售僅以明經終

崔安域

字定侯少年力學穎悟不凡名公卿皆目爲國器
十六歲補博士弟子員四十四歲登賢書六十一
歲大挑二等選授文安縣教諭化雨春風士林薰
德前邑令周公榮重修縣志稿成未刻遺稿安域
收藏迄今增修

邑乘聊備參考

高清典

字麗文號最山道光乙酉拔貢性情灑脫和易近
人詩才敏絕寓目成韻景趣悠然殆翩翩一時之
彥也年三十九卒

所著有天籟鳴集

朱廷棟

號韻山道光乙酉拔貢天才亮特詩筆清超時與
高最山明經吟咏唱和異曲同工士林賢之所著

有茶餘

詩亭

論曰先器識而後文藝士君子讀聖賢書當以躬行爲重
容貌辭氣其末也然有道德者必能文章列儒林者卽傳
文苑豈得謂彬彬多士非華國才哉鹿邑英賢輩出通今
博古樹幟詞壇所謂飛將軍者殆其流亞歟今合採一篇
以見人文之盛云

泃河展拓工完放水行運疏

明侍郎

曹時聘

題爲泃役告成漕艘利涉據實奏報以慰聖懷事牌奉一
件爲再勘泃河大加展拓以圖永賴等因臣同該司道會

勘得開泃濟運之議向以鑿石爲難幸石鑿舟通矣而二百六十里之河道中有三十里沙淺爲梗初勘直河議築王市以併泃水乃可通舟而地勢泃卑直高再築再潰此非原勘所可料也今查得張村西南有窪地一段至田家口計長三十一里其勢可以引泃通直合於今秋且儘搜見在錢糧募夫開此一段亦照口闊八丈底闊三丈取其來春可以通舟其郝山支河須築滾水壩及臺莊直口等處建砌石閘悉照原議立限完工如此則草創規模已定而拓工夫可舉合至明秋再議請錢糧將上下河道俱加

深五尺加闊四丈土壩易以石砌彙道加以隄防通計兩載之期庶成百年之利本年二月十三日該臣親臨閱視照得田家口一帶新工原分六段每段以十分爲率分別

工次嚴飭官夫加緊開挑勒限完報但有築壩建閘拓岸濬淺等處工有未完及雖完而不合原估者令其加募人

夫協力合作通限三月二十八日報完今據同知許從坤呈報分管開挑支河督率邳州衛經歷鄧祖禹至南建減水大石閘督同邳州知州周世臣等計長旺口而至馬莊集前支河長三千九百二十七丈俱照原估深闊丈尺開

挑如式又直河口內舊河督同宿遷縣知縣張道一梁城
沙淺督率判官呂文實計河長九百五十丈沙淺一百二
十丈通完訖又同知趙性粹呈報督率淮安衛指揮劉昌
宗等按馬莊集前南至田家口計支河長二千七百三十
二丈零又率清河主簿謝朝卿等加濬田家口下舊河沙
淺計長三百七十一丈俱如式完訖同知張執呈報分管
得勝莊起至黃林莊止淺工長八百四十八丈零俱督同
嶧縣知縣李本綉及通判李國祥等加濬挑挖如式完訖
於三月二十四日將韓莊開閘放水訖又率同滕縣知

縣張鵬翼等濬深彭家口河淺工長二百七十八丈并建
砌滾水石壩俱如式通完同知劉崇正呈報率同鄒縣知
縣梁州彥等建砌臺家莊大石閘嶧縣知縣李本綉等建
砌頓家莊大石閘俱如式修砌完工各呈報前來據此該
司道覆覈各工委屬如式擇於三月二十九日開田家口
大壩放水重運糧船銜尾而入揚帆穩渡至四月十八日
據同知許從坤揭報由泃進入運船自留守中衛至六安
衛已過六百一十一隻俱過王市前進並無阻滯其後至
幫船接續競渡據此司道會看得新開泃河通計二百六

十里誤因直河一段沙淺爲梗今科開支河長三十一里
避高就下地勢得便利現今糧艘利涉據判官李文質揭
報重船王市口者五月初三已二千三十餘矣較之去年
迥異形局其遲速相懸不止一兩月也從此接續修濬如
南旺夏鎮運河事例實舟楫安穩之途國家輸運之利也
除做過工程支用錢糧另行核實冊報仍飭同知許從坤
等一面修理沿河隄岸伏秋水過再察河道利病所在另
議修治外擬合先行具奏

大工告成水歸故道疏

曹時聘

題爲河工告成水歸故道據實恭報仰慰聖衷事據工部
咨爲黃灌南陽漕渠告急導挽橫流使復故道等因勘議
應挑舊河長三萬六百三十八丈有奇自朱旺口以達小
浮橋延袤一百七十里分爲四大工第一工隸南旺主事
袁應泰濟甯道參政顧雲鳳督率濟甯等二十四州縣正
官分挑第二工隸北河郎中趙可教河南管河道按察使
朱思明等督率陳州等一百五州縣正官分挑第三工隸
夏鎮郎中梅守相兗西道按察使來三聘督率曹州等二
十一州縣正官分挑第四工隸中河郎中朱家法淮徐道

副使馮盛明督率徐州等二十三州縣正官分挑悉照原議口闊四十丈以至二十五丈底闊二十丈以至十二丈深俱一丈五尺兩岸送土各在五六十丈外築成隄形約誓既定臣申諭官夫開濬如式者先完先放自十一月初十等日相率趨事畚鍤雲興至今年二三兩月之內陸續告完相繼撤散數十萬衆無一人不生還者四月初一日臣檄山東分守道劉不息會同各司道將土梗起除先放清水西昂東下勢如建瓴隨於次日由朱旺以達小浮橋臣逐工覈丈所挑之渠無不深廣壘土之隄無不高厚兩

崖空隙之處無不填塞一面督行司道將口上一段無分晝夜展濬深闊以待放水至初九日臣復由小浮橋以回朱旺目擊黃河大溜直射新河之口機不可失臣連夜督夫開壩與司道列炬而望則見全河大勢奔騰東注盡歸新渠實卽故道甫及黎明闊有四五十丈深有二三丈日未出而已達小浮橋矣見築決口水勢微退北流漸緩今且兩壩並築日夜下壩不出數日可合龍門此豈臣等與直省官夫之力哉實賴皇上利切民生精誠上格人心助順川瀆效靈十餘年泛溢之水一旦遵軌而趨洵一日之

元功百年之利賴臣等不勝慶幸除劾勞官員另行敘錄
用過錢糧造冊候按臣覆勘清查奏繳與夫善後事宜容
臣陸續上請

恤刑獄疏

本朝御史

魏雙鳳

題爲請定濫監處分之例以廣

皇仁事臣仰見

皇上好生之德洽於民心熱審有減等之條秋審有矜疑之案
又奉

欽定例內有情罪稍□□□取的保此卽虞廷欲並生哉之意

也而至於罪口監一項臣九載外吏知之最悉敢爲我

皇上陳之夫園扉之設本爲綱惡懲奸凡大案重罪情不足矜者慮其疎虞不得不繫之縲綆耳乃有犯無大故事屬微愆真可以片言折者而亦幽之獄底不肖胥吏或望壘斷於囹圄無辜善良竟投生身於地獄經年累月覆盆莫照嚴冬溽暑溼熱交蒸甚至疫癘徧生死亡相繼言念及此

諒

皇上必惻然爲之動念也臣初令江西新建時目擊心酸冬必給粥夏必給水遇有患病臣卽撥醫調治輕罪者詳明取

保省釋無非仰體

皇上好生之仁臣查江西省會共設四監以新建附郭一邑一監言之每日監犯不下五六十人則四監之中不下二百餘人以一省會附郭之監如此則各直省各府州縣之監其被禁者又不止有數萬人矣而原其難清之故盡在上司發監人犯也一日之間倏而司道發犯人若干取該縣收管倏而府廳發犯人若干取該縣收管倏而司道又取去監犯若干倏而府廳又取去監犯若干朝發暮取時出時入其犯之輕重縣官不得而知監之收放縣官亦不得

而專矣雖撫臣履行申飭奈司道府廳罔上欺下久而玩
惕者有之臣維按察司設有司監又專設司獄一官知府
設有府監亦專設司獄一官是司道府廳何得事事自圖
便易而委責在於州縣也其州縣官若材力兼長猶能赴
監查點或短於精神或疲於政事豈能免提牢禁卒凌虐
囚犯者乎臣請

勅下部議上司不得濫發人犯取州縣收管其州縣監內囚犯
人命強盜等大案務須牢固外至雖係定案待決之囚犯
在

朝廷既有國法自當明正典刑若係駁審未結之重犯死罪
一日未定終身尙有生機仍應責令提牢書吏及禁卒人
等務要逐日灑掃監房洗滌紐械不得堆積穢物任意凌
虐以致監斃多人儻有監犯患病卽撥醫診治如軍徒遣
配應當發落者卽請發落其餘杖罪以下或未結人犯盡
行取保候審但有干連無辜者概行釋放勿以廉遠堂高
卽可聽其自便儻有濫發濫禁人犯以後作何處分詳議
定例通飭遵行至於婦女非犯重罪不得輕易收監雖旋
羈旋釋未必盡有失節之事然一宵幽禁終身蒙不白之

差縱有孝子慈孫百世不能湔洗卽謀殺親夫毆殺舅姑等罪法不可寬勢必繫之禁獄以俟審實定案臣在新建曾捐俸另立女監伏乞

勅下直省概行修建女監俾男婦有別嫌疑不生以昭

聖教廉恥之道亦存

盛世節操之風抑臣更有請者此其責全在各直省刑名道按察司不時嚴飭有司查司道府廳擅行送獄卽揭報撫臣參處庶獄無沈寃不負

皇上之仁不干天地之和矣緣係條陳囚獄事理字多逾額仰

祈

皇上鑒宥施行

康熙十二年九月二十日具題本月二十六日奉

旨該部議奏

重經學疏

魏雙鳳

題爲

聖治維新仰乞

睿鑒纂修經書大全以隆教化事臣竊惟一代有一代之制作

一代有一代之文章故五帝三王各不相襲而連山歸藏

變爲周易建子建丑改爲建寅凡以因時定制而移易天下之風俗化導天下之人心也我

朝自定鼎以來百物維新

世祖章皇帝戡定禍亂巍巍其功煥乎其文至於

皇上聰明睿智守成致治法堯舜而邁成康邇年以來振飭綱紀修明法度如實錄則有修會典則有修律令則有修品級則有修則例則有修性理大全則有修因革損益豈不彬彬郁郁媿於周禮周官之大備而臣以爲治道不外於教養教民必先於教士則今日纂修四書五經大全乃故

明永樂令諸臣所修因而刊布學宮爲士子所講習至今因之但序用前代之君而列名皆前代之臣又係前代頒布其於議禮考文奉

聖朝之法而大一統之義似爲未合請祈

勅下該衙門選取窮經之官廣求淹博之儒再加考訂刪其繁蕪去其小疵若近代名儒如元之許衡明之薛瑄凡議論純正有合經書正義者不妨補入且四書大全止有朱子大學中庸或問而無論語孟子或問似應增著以補宋儒之所未竟以成全書請

皇上御製新序增列今日纂述臣子之名頌行天下學宮俾士
務舉業者永爲遵守皆有以砥礪琢磨取法聖賢趨於忠
孝廉節而敬體乎

聖天子學問之意則耳目一新風俗丕變人才蔚起久道化成
漢武帝之策董仲舒而表章六經唐太宗之命孔穎達與
諸儒撰定五經疏不足云也苟是書告成誠天地萬物之
善華古今治道之模範我

皇上繼天立極以

君道而兼師道以治統而緒道統士風復振而民俗亦比屋可

封矣如果臣言不謬伏冀

睿鑒採擇施行

康熙十二年十月二十一日具題本月二十八日奉

旨知道了該部議奏欽此

璿璣玉衡賦

崔如岳

世衍三皇羨聖備觀察之識運隆五帝虞廷創制歷之規
君德以敬天爲先合日月五星而徵瑞治道以勤民爲要
推闡餘度數而明時惟聖首出乎天下斯人胥賴其裁成
本觀理之心驗天天無不合以因心之哲創制制乃入神

由是運會可稽共覩聖人之規度天行有紀永垂七政之規模璿璣玉衡於今爲烈欲紀成器爰邇厥初乃爲之賦曰古元后繼天立極首重授時崇效卑法惟日孜孜黃帝分六術以制候顓頊因九黎以專司平陽測候而不爽蒲坂占驗而無疑從無百年不差之運恃有一代立法之師惟聖心之獨創遂成器之昭垂璿爲璣而遞運玉爲管而衡施如月如日或合或歧水火木金惟土是資五事期協五行周天旋度有奇况夫分野有方推測莫苟握斗樞以齊七政窺星漢以察九有氣數連於心造化在其手所以

帝治光融協氣宏開唐虞際會獨發瑰才匪徒云才惟德
魏魏瞻彼蒼穹何爲仰稽而悉該經營錯布何爲指點於
崇臺此實古聖之良法抑亦後世之規哉至於經度高度
璧合珠連測日測星宛在目前既不勞於遣使分行又何
事夫爲合驗天寸管何以窺遠昭昭卽以見全謂法象之
難稽借制器以精研識九州之休咎應上天之星躔惟齊
焉而莫舛故平成之績傳以及車輪磨石之儀周髀宣夜
之學能協極於寒燠雨暘並推準於東西南朔太初起黃
鐘大衍本著筭建隆遵王朴之編洪武仍守敬之法惟我

朝之數實萬載其周洽超運世而徵祥統元會而週甲由是
永年定鼎四海謳歌升沈循度躡次無訛因時布德用期
人和融融各得此樂如何則見制作符而欽翼疑也

皇衷主敬宵旰輸誠心正氣順物稱施平謂政以齊常在璣衡
尤願化育恆普乾健流行萬代傳卜世之長四海盡歸極
之情匹有虞以幸運又何數夫漢唐以後之治聲

武備

明

楊一介

任龍泉
關把總

趙登科 行伍官
守備

黃繼業 行伍官
千總

黃明律 行伍任鐵
龍千總

黃吉祥 行伍任正
定千總

曹應辰

曹又徵

武振山

李喜權

國朝

杜彪

行伍

戎明魁

行伍任廣
東守備

康熙 劉宏極

雍正 崔彰來

聶鎮疆

乾隆 高廷綸

嘉慶 杜朝選

咸豐 周克恭

同治 敦鳳舉

論曰經文緯武相資爲理有作賦吟詩之士卽有折衝禦侮之才金湯所以永固也我獲鹿自明季迄今或殉難本邑或出仕他鄉矯矯虎臣指不勝屈今備載於篇殆亦有安不忘危之意也夫

隱逸

明

盧天錫

退休林下閉門卻掃吟嘯自如以終其身餘見鄉賢列傳

曹 檣

字汝用椿之胞弟時聘叔也山真生仕至鴻臚寺典簿因闒寺弄權退居林下家頗饒置東西郭外地各二十畝作義塚又施取義祠地一段而捐重貲修卷觀累累不可勝紀

崔一清

萬曆丙午舉於鄉考授郡司馬
亂隱居不仕壽八十四卒餘見孝義

國朝

魏鼎

浙江金華府同知以老疾歸隱山林詳文翰

崔如岱

字伯宗號魯瞻由歲貢任沙河縣教諭累遷大理寺司務因親病告終養親歿服闋家食自居有勸之仕者抑然曰吾姪輩俱幼吾弟又已病故儻出仕則教焉無人莫能成立是吾以一己之功名使吾弟不能瞑目於地下也遂林泉終老焉

崔如崑

字仲眉壬子拔貢性情廉介琴書花鳥之外無所事西山白鹿泉側有園一所菁葱蒼蔚率子弟誦讀其中不登城市者凡六載時論重之

論曰造物但生石隱者流則國計民生又將焉賴然文武

在上而下有夷齊堯舜在朝而野有巢許雖帝王之世亦不能無隱者耳又安得謂天地閉賢人隱乎吾於獲邑隱逸得六人焉迹其高風清節矯矯不羣百世下猶足動人憑弔者因採其姓氏著於篇

流寓

唐

崔行功

本井陘人祖謙之仕北齊終鉅鹿太守徙占鹿泉行功少好學唐儉愛其才妻以女初太宗命魏徵寫四部羣書將藏內府功久不就至高宗時命行功與趙仁等相次檢校累遷蘭臺侍郎

金

元好問

字裕之秀容人七歲能詩時號神童年十一從其叔父言寓於冀州學士路宣叔一見賞其俊爽教之爲文遂淹貫經史百家詩文備衆體尉爲一代文宗學者稱爲遺山先生金亡不仕僑居鹿泉王思廉從受其學

元

劉因

字夢吉容城人天資穎悟絕人潛心性理之學家雖貧非其義一介不取隱居教授至元間徵右贊善大夫卒贈翰林學士諡文靜封容城郡公號靜修先生所著有四書精要三十卷嘗講道於獲鹿高健以師事之遂築靜修祠於太行書院

論曰高人稅駕蓬華生輝名士停驂林泉生色此豈地靈所致乎亦人傑使然也獲邑爲文物邦或作宦遊好學徒

鹿川之宅或爲師表傳道談虎觀之經詩云高山仰止景
行行止吾於流寓諸賢不禁心焉數之矣

耆壽

國朝

張丕亨

大賓詳
仕績

梁景崑

大賓

曹夢璋

介賓詳
孝義

張廷儒

介賓詳
孝義

李獲麟

介賓詳
孝義

石蘊德

介賓詳
孝義

高若岱

介賓

王琇

介賓

趙榮發

附貢生生子五人兩入成均三登
饗序享壽八十五世同堂見孝義

明

任雍

壽八十四
歲詳鄉賢

崔一瀄

壽八十四
歲詳孝義

魏知簡

壽八十四
歲詳孝義

國朝

崔增福

壽八十歲
詳孝義

任繼祥

字瑞五南甘子村人幼貧不能就傳業農桑重師儒及長家業稍裕妻馮氏生四子次子思恭入泮

餘皆捐職並親友中死不能葬貧不能娶卽量力周恤至耄年精力衰微四子扶持左右嘗戒之曰常將有日思無日莫到窮時望富時吾一生未能就學殊屬缺事有孫八人皆業儒或遊泮水或舉孝廉或貢成均曾孫十六人元孫三十餘人其中採芹者不少繼祥壽九十四歲妻馮氏壽九十歲

論曰年彌高德彌劭此大德所以享大壽也鹿邑會集耆

英人多壽考大賓重引年之典瑞輯一鄉養老高尚齒之

風祥徵五世於以膺多福祝遐齡下之增梓里光上之拜

楓宸錫焉豈不懿歟

列女

明以前
無考

明

高氏

張璽妻隆慶元年夫故氏年二十歲早孤養於伯父母璽卒遺子在抱伯父母迫之嫁誓不從伯父母怒使異居氏惟撫孤子安淡泊後其子成立

七十二歲卒與夫合葬守節五十三年

高氏

任鳳妻萬曆二十八年夫故氏年二十歲四十一歲卒苦節二十二年

鞏氏

楊憲妻年十六適楊甫七月而憲卒父母欲嫁之氏不從曰如是復何顏見夫於地下十月生遺腹子蕊繼姑復生子汝清母遂亡氏並撫育

成立茹苦含辛四十餘年萬曆年旌

傅氏

楊汝清妻萬曆四年夫故氏年十九歲婦歸汝清三載而夫亡撫遺腹子三十餘年如一日七十四歲卒守節五十六年汝清卽楊憲弟工部

員外郎楊兆題其匾曰一門雙節

崔氏

高嘉賓妻苦節不
渝天啟三年旌

孫氏

曹時明妻青年
苦節天啟年旌

王氏

生員魏知節妻知節與弟知簡知策俱以文學名丁
氏其弟婦也崇正戊寅邑有兵知節兄弟與父天貴
協力守城救不至二婦知城必破相約曰我等止辦
一死耳越八日城陷天貴父子俱殉焉二婦遂大罵
投井中兵去探出之則丁已死王氏氣未絕救之得
甦日翁與夫歿何以生爲知簡日弟可奉以終天年
也遂相攜抵鄉婦惟獨居一室日事紡績嘗日未亡
人得附墓所畢矣壽八十二卒有司匾其門曰魏室

雙

節

傅氏

崔禮妻崇正戊寅舉家入城避難氏聞城危謂長女
日汝弟若妹俱尙幼無他慮可慮者吾與汝耳豈可
失身求活耶女流涕領諾及城陷偕子女之井上顧
乳母日善視吾兒留此骨肉歸崔氏後吾死無恨獨

國朝

恨不一見吾父耳因大呼父者三遂先
推女下井身繼之並死其墓碑可考

任氏

杜如桂妻生子甫三月夫疾革願婦曰若嫁否婦飲
泣而已終不應及夫歿或勸之嫁婦曰改節不貞有
死而已撫孤力作足跡
不及戶外雍正六年旌

崔氏

戎文德妻夫亡十八歲祖憫其幼勸之嫁氏並日不
食執益堅守節五十餘年撫姪粹為嗣課以詩書食
凍餼長孫事嫻亦繼之家風
孝友皆氏之力雍正六年旌

崔氏

張麟義妻司務如岱女也年十七夫亡孝事翁姑三
十年如一日氏無所出繼族人子為嗣不幸又天折
雍正六年旌

陳氏

曹鈺妻崇正元年夫故氏年二十一歲苦節常貞堅
操不披七十五歲卒守節五十五年大學士梁清標

題咏
揚之

劉氏

黃棟標妻崇正元年夫故氏年二十二歲夫亡無子撫義姪孝孀姑四十餘年姑歿葬祭如禮七十二歲

卒守節五

十一年

王氏

高時望妻歲貢生王象乾女也年十七歸高崇正二年夫故氏年二十歲子女俱無撫義兒爲之擇配教

以詩書其人弗率遠逃於外

五十三歲卒守節三十四年

武氏

王三聘妻崇正二年夫故氏年二十三歲夫亡子天撫襁褓孫八十九歲卒守節六十七年

傅氏

沈永清繼妻崇正二年夫故氏年二十三歲事翁姑盡婦道撫前子並所生子兄弟三人俱成立入膠庠

七十六歲卒守節五十三

年學使陳翁賜匾示獎

班氏

張開泰妻崇正四年夫故氏年十八歲其夫登鄉榜北上以病死於都八十四歲卒守節六十七年間里

哀之

郭氏

葛文歐妻崇正四年夫故氏年二十四歲撫子成立六十九歲卒守節四十五年

杜氏

曹愛興妻崇正四年夫故氏年二十三歲歸曹夫卽亡深居績紡苦守終身八十七歲卒守節六十五年

馮氏

曹玉成妻崇正九年夫故氏年二十二歲家甚貧姑使之嫁婦曰吾固甘貧且情亦何忍鄰嫗或以爲言婦輒怒罵不食完節終身七

十五歲卒守節五十四年

劉氏

邢某妻崇正九年夫故氏年十七歲適邢未踰年而夫亡撫遺腹子成立七十二歲卒守節五十六年

婁氏

王勤妻崇正九年夫故氏年二十五歲撫一子艱苦備嘗年近八旬子孫成立家業粗成七十九歲卒守

節五十五

五年

東氏

王元亨妻崇正九年夫故氏年二十歲事翁姑撫前子孝慈兼盡七十九歲卒守節五十年邑令旌其門

董氏

李柏齡妻崇正十年夫故氏年二十
三歲五十八歲卒守節三十六年

呂氏

吳可麒妻崇正十年夫故氏年二十
四歲八十歲卒守節五十七年

杜氏

李世貞妻氏年二十三歲夫亡養姑鞠子
壺儀足式守節五十八年乾隆四年旌

梁氏

趙慶榮妻崇正十年夫故氏年二十歲事繼姑盡孝
道撫諸叔創家業七十九歲卒守節六十年備歷艱

梁氏

王琳妻崇正十二年夫故氏年二十四歲事親
撫孤倍歷艱辛七十二歲卒守節四十九年

魏氏

張雲鳳妻崇正十二年夫故氏年二十二歲
躬親紡織自給七十八歲卒守節五十七年

趙氏

梁嶼妻順治元年夫故氏年二十
七歲八十四歲卒守節五十八年

梁氏

王福祥妻順治元年夫亡氏年二十
七歲五十二歲卒守節二十七年

安氏

梁元龍妻順治三年夫故氏年二十四歲六十歲卒守節三十七年

范氏

戎維謹妻順治三年夫故氏年二十四歲五十三歲卒守節三十年

陳氏

王福多妻夫亡翁姑八十歲久病婦躬親湯藥日夜不倦仗義好施康熙六十一年歲饑全活甚多閭里

賢之乾隆

十三年旌

李氏

劉承惠妻順治三年夫故氏年二十歲翁姑相繼棄世遺一夫弟氏撫之至十五歲自縊年三十八歲卒

守節十

九年

李氏

蔣得名妻順治四年夫故氏年二十三歲無嗣幼時針指餬口老而乞食度日六十九歲卒守節四十七

年

崔氏

宋存信妻順治四年夫故氏年二十五歲子金龍年方四歲教養成立名列膠庠六十七歲卒守節四十

三

王氏

馮雲程妻順治四年夫故氏年二十一歲堅白完貞撫子成立七十一歲卒守節四十一年

季氏

董際昌妻順治四年夫故氏年二十二歲二子俱幼氏勤於績紡撫之成立未幾二子又亡長子遺子鳳

齋年三歲季氏著意撫育七十八歲卒守節五十七年鳳齋至二十六歲亦亡其妻梁氏年二十歲且無

嗣性甘淡泊四十七歲卒

守節二十八年一門雙節

簡氏

董復初妻順治六年夫故氏年二十八歲翁病數載奉養不輟有子二人教以義方俱登賢序六十九歲

卒守節四

十一年

董氏

郭之彝妻順治六年夫故氏年十六歲娶三月而夫亡孝事翁姑撫姪承嗣六十四歲卒守節四十九年

王氏

張琬妻順治六年夫故氏年二十七歲六十四歲卒守節三十八年

孫氏

李養後妻順治八年夫故氏年二十九歲長子芝癡
聰後生遺腹子英列歸葬海康縣間於試中武舉守

節四十

五年卒

梁氏

劉某妻順治八年夫故氏年二十
六歲五十四歲卒守節二十九年

鄧氏

董某妻順治九年夫故氏年十九歲子女俱無翁姑
尚在氏克盡婦道生事死葬宗黨賢之六十一歲卒

守節四

十三年

段氏

林雅望妻氏年十八夫亡子女俱無其夫歸葬時欲
以身殉不果少緩乃投道旁深澗衆救不死及四月

後生遺腹子撫子

成立乾隆八年旌

李氏

張蘭芳妻順治九年夫故氏年二十二歲遭兵變其
節不改教子入泮七十四歲卒守節五十三年

張氏

劉三喜妻順治十一年夫故氏年二十三歲茹荼飲
蘖艱苦備嘗人以爲難七十二歲卒守節五十年

趙氏

張正行妻順治八年夫故氏年十八歲六十七歲卒守節五十年

劉氏

董易妻康熙元年夫故氏年十九歲孀姑瘋癡氏曲意奉事不免筆楚氏終不改笑容鄰里憐之六十七歲卒守節

四十九年

高氏

戎懷德側室戎裴生母康熙元年夫故氏年二十四歲裴甫四齡氏苦節撫孤入泮至老彌篤八十九歲卒守節六

十六年

崔氏

喬維章妻不爲強暴所污激烈自盡雍正十三年知縣韓國瓚請旌

劉氏

劉印昌之女父出傭工強暴不污羞忿自縊乾隆四年知縣張素志請旌

趙氏

蘇四月妻夫出外不爲淫誘義忿自縊乾隆二十五年知縣張皇華請旌

張氏

劉如貴妻因夫外出匪徒強戲抗拒不污拔井自殉乾隆三十八年知縣唐奕恩請旌

三孩

王棟之女不爲匪人所污烈忿自盡
乾隆三十九年知縣唐奕恩請旌

任氏

梁大進妻十九歲夫故撫幼子成
立守節四十三年乾隆十三年旌

張氏

崔繩祖妻年十七歸崔越兩歲夫故善事舅
姑教子成立守節三十餘年乾隆三年旌

聶氏

黃臨泉妻年十七歸黃至二十五夫亡善事
翁姑撫子成立守節四十四年乾隆五年旌

陳氏

鄭雲山妻年十七歸鄭二十歲夫故奉事舅
姑撫子成立守節四十五年乾隆九年旌

蒿氏

高宏義妻年十八歸高二十六歲夫亡孝事翁姑教
育孤子稍有旨蓄潤及鄰里守節三十四年乾隆十

五年旌

白氏

王聘妻年十八歸王二十八歲夫故奉事舅
姑撫子成立守節四十九年乾隆十七年旌

傅氏

劉允朋妻氏年二十七夫亡家貧紡織善事孀姑教
子有方學儀足式守節四十餘載乾隆二十二年旌

傅氏

孫鳳麟妻康熙五十九年夫亡氏年二十二歲矢志苦守撫孤成立生孫八十九歲卒守節六十八年

解氏

魏達祖妻雍正七年夫故子又相繼而亡氏年二十八歲撫幼孫成立七十五歲卒守節四十七年乾隆

二十五年知縣張

公皇華表其門

梁氏

曹杏魁妻雍正九年歸曹不數月夫亡氏年十五歲仰事舅姑俯育嗣子四十六歲卒守節三十二年乾隆

二十五年知縣

張公皇華給匾額

喬氏

聶良友妻良友貿易山東娶婦喬氏年十六雍正元年夫亡氏年二十二歲子甫六歲扶夫柩歸里翁姑

衰疾以十指奉甘旨喪葬盡禮

六十五歲卒守節四十四年

劉氏

梁凱妻雍正十二年夫故氏年二十五歲遺孤三歲家無僮石紡績育子七十八歲卒守節五十四年

霍氏

張某妻雍正十年夫故氏年二十六歲遺孤守仁方七齡勵志守節守仁成立名列膠庠七十六歲卒守

節五十

一年

李氏

孫思聰妻雍正十年夫故氏年二十四歲立志守節
頗明大義子麒麟甫二歲撫養成成人備歷艱苦七十
六歲卒守節

五十三年

胡氏

張維世妻雍正三年夫故氏年二十六歲撫孤
成立爲夫營葬八十三歲卒守節五十八年

武氏

謝允孝妻雍正五年夫亡氏年二十二歲子幼姑病
事畜兼資姑歿時子已生孫子又亡遺孫五人撫之
成立一孫名列膠庠七十六歲卒守節五

十五年順天學院張公泰開給匾表其門

聶氏

梁秉聰妻乾隆十九年夫亡氏年二十五歲孝奉繼
姑撫育夫弟三人訓誨嗣子四十六歲卒守節二十

二年

高氏

東天德妻乾隆六年夫亡氏年二十七歲遺孤七
歲誓守苦節七十四歲卒守節四十八年

張氏

劉允讓側室乾隆二年夫亡氏年二十二歲事正室如姊正室又亡如禮喪葬擇繼一子撫養成立七十

四歲卒守節

五十三年

路氏

李光華妻生員路扶程之女二十一歲歸乾隆十二年夫亡氏年二十六歲孝事翁姑撫前子如已出子

瀛州遊庠七十六歲

卒守節五十一年

張氏

孫顯章妻乾隆三年夫故氏年二十八歲矢志守節冰蘖自茹七十一歲卒守節四十四年

盧氏

狄紹基妻乾隆九年夫故氏年二十八歲歡承祖母孝事翁姑生養死葬備歷艱辛鄉里賢之七十五歲

卒守節四

十八年

黨氏

陳策妻乾隆十一年夫故氏年十九歲敬翁姑繼姪爲嗣六十八歲卒守節五十五年

何氏

魏縉祖妻乾隆九年夫故氏年二十七歲苦節無子孝事孀姑姑亡與翁柩合葬悉衷諸禮七十歲卒守

節四十一

四年

張氏

監生陳廣通妻候選州同張守仁女十五歲歸乾隆元年夫亡氏年二十五歲事孀姑撫幼子七十五歲

卒守節五十一年邑

令謝公清問表其門

陳氏

杜整妻生員陳善君女十五歲歸乾隆十一年夫故氏年十七歲繼姪爲嗣撫養成立六十七歲卒守節

五十

一年

劉氏

王文明妻雍正元年夫故氏年二十二歲孝事舅姑子千祥三歲撫之成立六十九歲卒守節四十餘年

劉氏

王廷桓妻正定貢生劉學博之妹幼字廷桓氏年十五廷桓病危母聞之告以壻病應之曰女已許字王

氏卽夫死女必爲王家婦也決不再字母察其意誠

商之王家迎歸入門甫九日廷桓歿孝事翁姑端莊

舉止數年後翁姑俱亡遺夫弟三人皆撫之成

立仲弟壘子卽繼爲嗣守貞四十餘年而卒

梁氏

趙維清妻夫故氏年二十歲撫姪
爲嗣守節六十三年咸豐元年旌

丁氏

梁尙忠妻夫亡氏年二十一歲撫姪
爲嗣七十三歲卒守節五十二年

葛氏

武傑妻十七歲歸夫亡氏年二十二歲
善事翁姑撫子成立守節五十一年卒

賈氏

武生張暲妻夫亡氏年二十二
歲七十三歲卒守節五十一年

張氏

魯士元妻夫亡氏年三十歲
守節十年卒同治十一年旌

高氏

魯士魁妻夫故氏年二十二歲
守節十九年卒同治十一年旌

李氏

馬德明妻嘉慶元年夫故氏年二十七
歲守節四十九年卒同治十一年旌

牛氏

杜積妻乾隆四十年夫故氏年二十四歲撫幼子永
芳成立娶婦白氏永芳於嘉慶五年病故白氏年二
十七歲生子作棟甫三歲孀媳二人堅守苦節育
成家道作棟授室後夫歸俱亡遺一曾孫尚在襁褓

姑嫜舊書夜績紡共撫養之牛氏八十二歲卒
守節五十八年白氏八十七歲卒守節六十年

張氏

童永齡妻夫亡氏年三十歲終身
苦節矢志靡他守節四十九年卒

崔氏

范正祿妻十五歲歸乾隆六十年夫故氏
年二十七歲八十四歲卒守節五十九年

霍氏

馬自清繼妻夫故氏年二十五歲繼姪爲子撫養
成立七十二歲卒守節四十八年嘉慶二十年旌

全氏

李果珍妻十七歲歸乾隆五十六年夫故氏年二十
九歲仰事舅姑俯育遺孫壽享九十餘歲卒咸豐三

年旌

黃氏

張緒孔繼妻乾隆五十八年夫故氏年二十五歲撫
姪振宗爲子至十五歲娶妻半載又亡黃氏勤儉持

家堅貞自守合

鄉贈匾表其門

杜氏

高佳士妻二十歲歸乾隆五十年夫故
氏年二十一歲繼姪爲嗣咸豐三年旌

張氏

郭天富妻十八歲歸乾隆五十四年夫故氏年二十
二歲上事舅姑下撫嗣子閭里以賢孝聞咸豐三年
旌

馮氏

閭廷獻妻乾隆五十八年夫亡氏年二
十九歲守節三十八年道光十一年旌

龐氏

吳皂伙妻強辱不從忿自盡
道光十七年知縣雷致亨請旌

張氏

陳維藩妻夫故氏年二十一歲八十二
歲卒守節六十二年道光十八年旌

段氏

韓忠安妻十九歲歸乾隆五十四年夫故氏年二
十二歲事姑撫孤孝慈交盡守節四十三年卒

丁氏

張曾魯繼妻夫亡氏年
二十八歲咸豐九年旌

路氏

趙鶴鳴妻十六歲歸乾隆五十五年夫故氏年十七
歲繼姪爲子撫之成立六十五歲卒守節四十九年

劉氏

郭永清妻十七歲歸乾隆六十年夫故氏年十七歲
操族姪爲嗣紡織度日九十二歲卒守節七十六年

合鄉送匾

表其門

段氏

馮士傑妻乾隆三十年氏年十九歲歸越三年夫亡在外紡績度日繼姪昇爲子八十七歲卒苦節六十

年七

曹氏

崔昺妻十八歲歸乾隆三年夫故氏年二十歲善事舅姑撫姪爲嗣七十歲卒守節五十一年

董氏

高偉士妻二十一歲歸乾隆五十二年夫故氏年二十四歲六十九歲卒守節四十六年

薛氏

生員蘇登鰲妻夫亡氏年二十九歲子亦歿獨七十老翁在堂病榻纏綿氏惟紡績度日奉侍歷十二年之久毫無倦容及翁卒無棺成殮托鉢求人鄰里感其孝釀金爲殮卒得成禮葬三日氏荷鍤至塚上親爲封墓封畢嘆曰翁姑安夫目瞑矣旋泣告於夫之墓曰婦人從夫君死吾卽當死所以苟延歲月者以老父在今事了矣行當從君於地下歸卽不食七日卒里人哀之爲購棺衾與夫合葬並白其事於縣

邑令爲之刻

石以表墓云

李氏

赫龍光妻夫亡氏年二十歲撫姪蔭祿爲嗣娶婦高氏未幾蔭祿又亡高氏甫二十四歲氏與高氏零丁

孤苦矢志不移高氏守節二十年先卒李哭之甚哀

越十餘年李亦卒年六十六歲一門雙節宗黨賢之

高氏

赫朝光妻歸數月夫亡氏年十九歲撫幼姪爲嗣鞠育恩勤如自己出守節四十五年卒

王氏

張蔚文妻嘉慶十五年夫歿氏年二十八歲孀居無子撫姪爲嗣教養成立子中年早歿守節三十四年

張氏

沈永年妻嘉慶十年夫歿氏年二十九歲孝奉翁姑教子三翼入庠六十六歲卒守節三十七年

陳氏

梁明經妻夫亡氏年三十歲撫姪爲嗣守節十七年卒同治十一年旌

王氏

葛鴻妻十九歲歸嘉慶十六年夫故氏年二十七歲上事舅姑克盡婦道家貧無子姪爲嗣七十五歲

卒守節四十八年咸豐七年

邑令朱公瀛賜匾表其門

葛氏

曾成德妻十九歲歸逾四月夫亡孝事翁姑無虧婦道鄰里稱其孝四十一歲卒守節二十餘年

張氏

王步宮妻嘉慶二十三年夫故氏年二十六歲事翁姑盡孝撫幼子成家守節三十餘年咸豐三年旌

李氏

張振宗妻嘉慶十七年夫故氏年十八歲五十八歲卒守節四十一年

曹氏

牛德仁繼妻嘉慶二十三年歸越十八日夫亡氏年二十二歲前子甫週歲上事舅姑下撫幼子姑貧且病左右奉侍無難色迨爲子授室生孫後子又夭折撫孤孫成立迄今孫曾繁衍瓜瓞長祿皆氏一人之力也現年八十歲守節五十九年咸豐

三年前邑令華公貴賜匾表其門

魏氏

石蘊和妻嘉慶二十三年夫故氏年十九歲事姑賢孝撫姪爲嗣現年七十八歲守節五十餘年咸豐元

年旌

梁氏

王天達妻十九歲歸嘉慶二十一年夫故氏年二十八歲撫姪繼昌爲嗣艱苦備嘗現年八十八歲守節

六十

年

王氏

石潤妻十八歲歸嘉慶二十一年夫亡氏年二十九歲遺孤尚幼撫之成立業醫濟世氏年七十歲卒守節

四十

六年

石氏

杜召南妻十九歲歸嘉慶二十二年夫故氏年二十七歲事親盡孝教子以義道光二十八年旌

蘇氏

李思聰妻二十二歲歸嘉慶七年夫故氏年二十七歲七十七歲卒守節五十年

梁氏

葛鏞妻十七歲歸嘉慶二十一年夫故氏年二十九歲繼姪爲子愛如己出咸豐三年旌

戚氏

卞永康妻十九歲歸嘉慶二十三年夫故氏年二十二歲繼姪爲子教養兼資咸豐三年旌

王氏

董正誼妻十八歲歸嘉慶十四年夫故氏年二十九歲事翁姑撫弟成立後繼姪爲嗣咸豐三年旌

高氏

李勝元妻二十歲歸嘉慶十八年夫故氏年二十一歲上事孀姑下撫幼子數十年如一日咸豐三年旌

武氏

梁德成妻二十歲歸嘉慶十六年夫故氏年二十一歲翁姑老病侍奉無倦容撫姪爲嗣視如己出咸豐

三年

旌

聶氏

駱鵬年妻嘉慶六年夫故氏年二十八歲撫姪爲子紡績謀生八十七歲卒守節六十年

張氏

楊生華妻二十歲歸嘉慶十七年夫故氏年二十歲仰事舅姑俯育子女七十八歲卒守節五十八年光

緒元

年旌

張氏

王懷敬妻嘉慶二十二年夫故氏年二十五歲八十四歲卒守節五十九年

鞏氏

封守禮繼妻二十二歲歸嘉慶十二年夫故氏年二十八歲持家崇儉訓子成名六十一歲卒守節四十

年光緒

元年旌

趙氏

李清彥妻道光二十一年夫故氏年二十六歲撫姪爲嗣以承宗祧六十五歲卒守節四十年

薛氏

王珍妻十七歲歸嘉慶二十八年夫故氏年二十二歲繼二弟秀子爲嗣撫養成立嗣子榮晉入成均兩

孫俱食餼七十九歲卒守節五十九年訓導郝公立德賜匾表其門

師氏

高發魁妻十九歲歸嘉慶十六年夫故氏年二十七歲無子事姑極孝撫族姪爲嗣六十五歲卒守節三

十九年

東氏

高士俊妻十九歲歸嘉慶五年夫故氏年二十三歲以姪爲嗣愛如已出鄒氏夫弟士英妻十七歲歸士

英病故氏年二十九歲親老家貧東氏偕其弟婦氏紡織度日侍奉孀姑宗黨以賢孝稱之東氏七十

一歲卒守節四十九年鄒氏五十六歲卒守節二十八年邑令周公昌奇賜匾表其門

聶氏

黃正寶妻十六歲歸嘉慶十四年夫故氏年二十二歲孝慈克盡里黨以賢孝聞年六十九歲卒咸豐六

年邑令李公同

文賜匾表其門

師氏

馬彥妻十九歲歸嘉慶四年夫故氏年二十八歲繼堂姪爲嗣矢志靡他合鄉公送茹荼飲冰匾額六十二歲卒守節

三十四年

孫氏

全天忠妻十七歲歸嘉慶二十二年夫故氏年二十二歲八十歲卒守節五十九年

趙氏

李朝陽妻十七歲歸嘉慶十年夫故氏年二十一歲王氏李端陽妻十六歲歸嘉慶十三年夫故氏年十九歲生子南金尚在襁褓二氏撫育至十四歲娶妻後生子裕泰清泰妻歿繼娶梁氏十八歲歸越三月南金又亡梁氏隨侍孀姑甚孝撫二子成立閭里以慈孝聞趙氏九十一歲卒守節七十一年王氏六十八歲卒守節五十年梁氏四十九

歲卒守節三十二年一門三節

何氏

文童梁引盤妻進士何詒需之女道光四年夫故氏年二十四歲孝行克敦壺儀足式現年七十六歲守

節五寸

二年

齊氏

鄭祥妻十八歲歸道光二十年夫故氏年二十七歲善事孀姑克盡婦道現年六十四歲守節三十七年

葛氏

白存信妻十七歲歸道光三年夫故氏年二十八歲翁姑在堂日勤紡績以資膳養子甫三歲撫之成立

守節二十八年

咸豐三年旌

劉氏

楊發祥妻十七歲歸道光三年夫故氏年二十五歲親老家貧賴以奉養守節三十一年咸豐三年旌

何氏

劉殿選妻二十一歲歸道光八年夫故氏年二十九歲孝事孀姑慈愛嗣子咸豐三年旌

丁氏

邢愛蓮妻十七歲歸道光六年夫故氏年二十六歲五十七歲卒守節三十一年

李氏

姜懷林妻十七歲歸道光三年夫故氏年二十三歲孝事孀姑撫養幼姪咸豐三年旌

侯氏

生員張廣譽繼妻氏年二十二歲夫故撫前子視如己出三子瑄榮娶婦李氏年二十一瑄榮歿子蔭清

苗冠茂氏偕媳李氏撫之成立入庠食
餼不振家聲各守節四十年而卒

張氏

杜甘棠妻十七歲歸道光元年夫故氏年
二十歲孝事翁姑撫養子姪咸豐三年旌

聶氏

李祝三妻二十歲歸嘉慶二十四年夫故氏
年二十歲繼姪為嗣同治五年六十七歲卒

劉氏

齊大全妻十六歲歸道光六年夫故氏年二十八歲
翁先逝殯葬如禮姑病在床奉侍湯藥衣不解帶咸

豐三
年旌

王氏

件玉階妻十九歲歸道光五年夫故氏年二
十七歲敬事翁姑善撫夫姪咸豐三年旌

張氏

李元成妻十九歲歸道光四年夫故氏年二
十八歲仰事孀姑俯育幼子咸豐三年旌

王氏

武仲妻十七歲歸道光五年夫故氏年二十五歲事
祖翁姑盡禮姑患病朝夕奉養三十餘年如一日子

在襁褓撫育成

立咸豐三年旌

李氏

高安邦妻十五歲歸道光四年夫故氏年二十四歲
姑病奉侍絕無倦容子方三歲撫之成立咸豐三年
旌

高氏

劉祥阿妻十九歲歸道光十五年夫故氏年
二十二歲事奉孀姑教養繼子咸豐三年旌

房氏

葛秀岐妻十八歲歸道光十八年夫故氏年二
十八歲事姑育姪勤儉持家同治十一年旌

劉氏

郝丕烈妻十九歲歸道光十八年夫故氏年三十歲
翁姑在堂紡織奉養教子成名里人賢之同治十一
年旌

賈氏

張良弼妻道光二十二年夫故氏年二
十九歲現年六十四歲守節三十六年

任氏

王福元妻二十歲歸道光十二年夫故氏年二十
七歲上事翁姑無倦色教子成名同治十一年旌

董氏

龔紹探妻十九歲歸道光九年夫故氏年二
十九歲子在襁褓撫之成立同治十一年旌

劉氏

張氏友妻十七歲歸道光十九年夫故氏年二十五歲秉性純孝無間人言同治十一年旌

張氏

董速和妻道光九年歸夫亡氏年十七歲翁姑以氏太穉恐其不能終守有勸嫁之意氏隨弱髮毀容以矢靡他後姑復生一子氏竊喜曰夫既有弟不慮董氏無嗣也由是撫育夫弟恩勤備至現年六十四歲

守節四

十六年

周氏

王廷蘭妻十八歲歸道光十九年夫故氏年二十四歲侍奉孀姑撫育幼子宗族鄉黨無間言光緒元年旌

趙氏

李譚如妻十七歲歸道光十九年夫故氏年二十一歲孝敬兼全笑言不苟光緒元年旌

郭氏

馮玉麟妻十六歲歸道光十八年夫故氏年十七歲孝養翁姑鞠育嗣子光緒元年旌

王氏

狄光明妻十六歲歸道光十九年夫故氏年十八歲重慈俱老孝道克全教子入泮母可兼師光緒元年

旌

陳氏

生員李知典妻道光三年夫故氏年二十九歲撫姪爲嗣視如己出守節四十五年卒

任氏

張書銘妻道光元年夫故氏年十八歲月餘生遺腹子名香山矢志守節教子成名咸豐九年旌

馬氏

馮玉崑妻道光十八年夫故氏年二十一歲矢志靡他撫姪成立現年六十歲守節四十年

楊氏

東元士繼妻道光十一年夫故氏年二十九歲事孀姑無倦容撫前子如己出五世同堂子孫繁衍現年

七十二歲守

節四十三年

曹氏

劉清和妻十九歲歸道光五年夫故氏年二十四歲翁姑勸氏改適氏堅執不從艱苦備嘗繼姪爲嗣現

年七十五歲守

節五十二年

曹氏

楊振成妻二十歲歸道光十二年夫故氏年二十六歲事翁撫弟備歷艱辛現年七十歲守節四十五年

胡氏 女通妻二十歲歸道光十二年夫故氏年二十七歲事孀姑極孝撫孤子成立現年七十一歲守節四

十五

年

孫氏 石喜貴妻二十一歲歸道光十七年夫故氏年二十七歲事翁姑撫幼子後翁姑歿子夭折宗支無可繼

之人氏以甥爲嗣現年

六十六歲守節四十年

聶氏 張鶴雲妻十九歲歸道光九年夫故氏年二十二歲持家勤儉撫猶子爲嗣六十二歲卒守節四十一年

潘氏 姚際泰妻二十二歲歸道光五年夫故氏年二十四歲事翁姑至孝繼姪爲子以承宗祧六十九歲卒守

節四十

六年

魯氏 鞏連達妻十九歲歸道光二十七年夫故氏年二十九歲家貧苦守訓子有方四十歲卒守節十二年

王氏 薛志連妻十七歲歸道光十八年夫故氏年二十七歲孤苦零丁堅白誓守現年六十五歲守節三十九

年

趙氏

生員葛澗妻十九歲歸道光八年夫故氏年二十四歲教子有方宗族以賢母聞光緒二年七十一歲門

懸節砥松

筠區額

張氏

生員曹熙妻二十歲歸道光十三年夫故氏年二十九歲奉養翁姑教訓幼子現年七十一歲守節四十

年

劉氏

曹煥妻十八歲歸道光十六年夫故氏年二十七歲上奉翁姑下撫幼子現年六十六歲守節四十年

馬氏

趙斌元妻十七歲歸道光二年夫故氏年二十四歲青年失耦矢志守貞現年六十六歲守節四十年光

緒元年知縣俞公

錫綱賜匾表其門

朱氏

石蘊玉妻十六歲歸道光二十六年夫故氏年二十三歲家貧如洗教子入庠五十四歲卒守節三十三

年

焦氏

李金瑞繼妻十九歲歸道光十五年夫故氏年二十七歲教子讀書子又夭折因氣成疾卒年六十八歲

守節四

十二年

劉氏

梁應選妻十八歲歸道光元年夫故氏年二十四歲子甫三歲撫養成立身列膠庠七十四歲卒守節五

十一年

年

王氏

子文治妻十八歲歸道光三年夫亡氏年十九歲以姪作霖爲嗣名列邑庠孫化鵬亦繼入泮七十二歲

卒守節五

十四年

王氏

石蘊理妻十七歲歸道光三年夫故氏年二十一歲繼姪爲嗣撫育克勤四十七歲卒

梁氏

王宏基妻十七歲歸道光五年夫故氏年二十歲翁姑痛其無依繼堂姪爲嗣茶苦終身七十一歲卒守

節五十二年兩

學賜匾表其門

胡氏

梁穩繼妻十八歲歸道光五年夫故氏年三十歲七十二歲卒守節四十三年

閔氏

董清良繼妻二十一歲歸道光十四年夫故氏年二十三歲前室遺孤十三歲又遭天折繼姪浚明爲嗣

身列費門現年六十

五歲守節四十三年

仵氏

師立經妻夫亡氏年二十二歲貞靜寡言事姑以孝闕六十五歲卒守節四十四年

趙氏

師箴繼妻夫亡氏年二十三歲視前室子如己出教以義方五十七歲卒守節三十五年

霍氏

梁應雷妻十九歲歸道光二十二年夫故氏年二十四歲食貧苦守大節無虧現年五十九歲守節三十

六年

張氏

王錫玉妻道光二十四年夫故氏年二十四歲孝事翁姑繼姪爲嗣現年五十七歲守節三十四年

王氏

張河上妻道光二十年夫故氏年二十二歲奉翁姑至孝繼姪雙泉爲嗣現年五十九歲守節三十八年

崔氏

李峻德妻道光二十三年夫亡氏年二十歲貞節自守孝事翁姑鄉人賢之現年五十四歲守節三十四

年

李氏

劉記春妻十九歲歸道光二十五年夫故氏年二十三歲撫姪九路爲嗣未幾九路亦亡撫孫成立現年

五十五歲守

節三十三年

傅氏

李鳳翔妻十七歲歸咸豐三年夫故氏年二十歲善事舅姑撫養嗣子宗族服其操三十八歲卒守節十

年九

范三姐

范日增之女年十九未適人父刈稼歸命往看守女在田間摘豆突遇強暴女力拒之適母至泣訴其故

歸卽自縊報縣往驗完壁處

子也獲魂律究同治十年旌

孝婦

附

魏氏

王聰明妻孝事孀姑家貧嗜苦嘗爲鄰舍浣衣得錢以奉甘旨終身如一日後子孫繁衍家業鼎盛咸稱

孝婦之宜

有後云

高氏

城內太學生齊全之繼室也未字幽貞于歸思媚奉高堂以甘旨焦飯自餐相夫子以承歡蒸梨不爽撫

子建中入膠庠不懈和丸畫荻此其相夫以和教子以義皆孝道之所推而及由中遠外稱道不衰閭里

咸矜式焉乾隆乙未年邑令唐公奕恩

旌其門曰孝婦可風卒年九十二歲

論曰自古名媛願爲孝婦不願爲節婦節婦者非閨房之

幸耳雖然處常以孝婦爲尊處變以節婦爲重嘗見貞孝

節烈往往縉紳之家所不易得者草茅樵魯毅然任之而

不疑鬚眉之輩所不能及者巾幗婦人懷然矢之而靡他
豈非天地間正氣之所鍾歟方今

聖天子破三十年之常例施十二載之

殊恩

頒示明文松筠表節

榮褒逾格柏操流芳誠亘古未有之

曠典也獲鹿列女厯考舊志所載只五十二人迄今一百四五
十年歲久失修湮沒何可勝道予今者奉

憲纂修志乘列女一門最關名節若不認真採訪稍有疎漏

不免上負

天恩除諸紳士陸續採送外務必詳查明確始達

憲聰蓋謂不敢濫重

國典也不敢遺懼天譴也計自一年之久鄭重採訪明季以來所得列女統共二百一十名其有未經表揚者無論新舊恭修燕贖一律通稟

憲台懇請彙題

旌表以建坊額以慰貞魂庶幾生斯邑者必更曉然於閨闈廉恥之防夫婦節義之重其於風俗人心不大有裨益哉

詠劉氏童節

王廷桓婦

張學敏

邑人

修篁聳千尺筍生節已具璞玉值千金山含輝已布物性
自有真肇端已不誤以此女子貞誰弗生欣慕憶昔劉學
博有妹如秋蘭十五通媒聘許字王廷桓廷桓病且篤女
心已含酸願作王家婦阿母備征鞍入門八九日夫竟軀
命失自從涕泣時卽灑冰霜質子身事翁姑夫弟猶軫恤
夫弟生佳兒夫祧承以姪孝義復兼盡閭儀難備述問誰
比其賢含悽四十年桃李未開笑琴瑟未安絃敲冰冰不
破照鏡鏡仍圓衰齡猶總角脂粉姑棄搗與夫默相約同

六結姻緣解衣示皎潔童女何連遭夫婦兩行淚化作雙
杜鵑杜鵑雙飛今復古嫁婦孀居莫能伍

去婦詞

并序

邑令

周榮

諸生孫秉鈞十二歲時娶婦姚氏年十七明年氏適歸
甯生一子姑往見孫甚喜後有讒之者翁疑焉留諸母
家未絕也已而忽改娶氏父亦諸生訴之官官令迎焉
氏父察翁殊無迎還意發病死後歷數官不能決氏亦
但守己志不復訟矣予蒞任之明年其子曰氣兒生二
十四年矣問予徵其姓予察其兩耳向前頗異於人召
其父視之良然卽其異母二弟亦皆然并問氣兒肢體
有無不同處云足十指獨兩小指無甲脫驗果然父與
二弟亦不少異予復密赴其地有相從太息者曰姚氏
今見天日矣蓋鄉里親族無不痛氏冤者乃詣城隍神
祠悉召質之秉鈞猶護其前非予曉之曰汝前之不能
自明者年尚幼也後之不肯認者恐後妻之不兩立也

然正定風俗徃徃女大於男至十三生子堅然集載之
且生子必有父果非爾爾能確指一人否不能對因見
其面有悔色復戒之曰難容者天理難昧者良心汝不
早悔過禍且無日矣今姚氏有子可倚亦不必強汝復
合恐二婦終不相得也但當正氣兒姓曰孫易其名曰
念劬並資以白金使養其母而旌姚氏以詩未兩月秉
鈞發
病死

妾本儒家女十七賦于歸壻年始十二人事早已知七月
便生子含冤無白期阿翁信流言堅執不可移阿父憤懣
死孤女益悽其鄰嫗嚮我笑何乃自苦爲良人旣更娶改
適理亦宜聞言童嗚咽有涕不忍揮此身苟一失前行誠
盡虧荏苒歲月徂青鬢忽已絲皇天不可問肉食莫我哀

寄言匹配者慎勿太參差嫁女與童穉不如委汚泥懷
復懷哉白兮終不緇

孫念劬免喪娶婦其母率之來謝且言翁悔許析以產氏
願以租籽膳翁令念劬終養後始受田作詩勉之

山上蘼蕪山下村淒涼往事總休言廿年方憾兒無姓

伊父

姚生自張任具控
業懸廿年未白 此日誰知妾望孫旣幸有田供侍膳敢

因失愛懈晨昏疑心釋後親心順白雪汚泥公議存

題崔烈婦

并序

邑令

韓國瓚

崔氏邑民喬維章妻因夫奉姑蒼巖燒香義拒強暴不
辱其身死余哀其貞烈詳請旌表入祠享祭於雍

正十年具題

以詩紀之

若何淫祀起如狂竟致賢媛赴義亡一束信香萬點淚分
明留恨到萱堂

其二

矢死全貞報所天冰心豈願世人憐於今大節垂青史欣
看

龍霖灑墓田

其三

勁節疾風豈可撓深憐巾幗負真操幽魂入墓生香草一

代綱維屬女曹

前題

阜城
令 燕臣仁
人 陝州

渺渺貞魂何所歸
淒涼應傍子規飛
一行涕淚一行血
化作愁雲繞

帝畿

婦德疑同百鍊金
千秋萬世識貞心
香魂豈比凡花豔
任爾狂風不敢侵

羨爾冰心挺秀闈
視生如寄死如歸
森森烈氣長空月
一片寒光夜夜輝

題楊氏雙節

孫氏傳氏

邑令

孫以德

北堂霜月抱幽芳二婦能令里化昌
羣斷雁鴻春夢短機鳴蟋蟀夜燈長
玉蘭采采榮新畹素縷織織緝舊裳
千古敬羨雙繼侶會看太史紀文章

前題次韻

韓國瓚

金閨誰是樹幽芳楊氏堂中世濟昌
爭道彩鸞諧共老豈期寡鵠恨偏長
荻灰共畫成孤子鄰火同分緝舊裳
皎皎貞風堪礪世九天會看錫

龍章

新刊縣志 卷之二
題節婦武葛氏

邑令 周昌奇

天定良緣只六春，白頭猶是未亡人。
含愁織席供衰老，忍淚和丸助苦辛。
慈竹有筠青遠蔭，貞松錯節翠常新。
公評月旦今堪採，灑墨題來耀四鄰。

烈女吟

范三姐
七古

崔家年

邑人

蓮峰高矗鹿泉潔，鍾毓清奇不可過。
非徒英烈在男兒，餘氣猶能通闔閭。
君不見范家有女，不尋常生長深閨十九。
霜素性端嚴，冰共冷。此心潔白，月爭光。
秋高豆莢連畦繞，將取殷勤功未了。
午風拂面日當頭，好花忽被狂蜂擾。
白

圭無玷玉無瑕豈愛緇塵半點加取義舍生完太璞嗟哉
一命赴天涯縲紲貞魂何處尋猿哀山頂鶴唳林孤竹撐
天疑亮節落花滿地想遺簪

神君有意端風化奏牘淋漓大筆下

九重旌表待頒來從此蛾眉增聲價我經墓側淚闌干一抔之
土尚未乾寂寞玉顏無覓處空留冷月照林巒

經烈女墓

范三姐
五古

前人

緩步度南阡南阡有新墓愁雲覆其巔悲風號古樹問是
誰家墳落日走狐兔田父顧徘徊慷慨向余訴云有范家

殊幽靈此間厝請君且少留爲君詳其故秋高豆莢肥采
采沍霜露僅籃尚未盈忽爾遭危懼質本玉光明豈忍微
瑕附心握一寸金頸懸三尺素自視死如歸嗚呼入冥路
豈云輕其生總使志無辱君不見塚上野雀飛草際秋蟲
住對此憶貞魂魂兮何處寓或伴杜鵑禽或倚女貞樹或
化哀蟬嗚嗚咽憐日暮或爲精衛飛填海有餘怒言罷泣
數行淚下揮如注我聞惻然悲惆悵舉歸步皎皎生月光
貞明千里布比此清潔操萬古人思慕作爲短歌行聊當

招魂賦

官信

宋

秦翰

字仲文正定獲鹿人年十三爲黃門太平興國四年

監崔彥進兵擊契丹以善戰聞雍中出爲駐泊瀛州

清化四年命監護李繼隆兵次延州討趙保忠慮其

遁逸翰乘傳先往安撫以緩其陰計王師至諷以地

予之禮郊迎並驅而出因就擒之以功加崇儀副使

至道初爲靈環慶州清遠軍四路都監真宗加洛苑

使入內副都知咸平中河朔用兵再監正定高陽兵

敗契丹於莫州東斬級數萬盡奪所掠老幼詔褒之

徙定州行營鈐轄王鈞亂爲川陝招安巡檢使恐上

官正石普不協生事曲爲曉譬和解親督衆擊賊中

流矢不御五戰五捷遂克益州進至廣都斬首千餘

級獲馬數千匹還遷內園使領恩州刺使又破契丹

三萬衆於威武軍俘其鐵林大將等十五人加平州

團使祀亳州以參領營葺大內暴卒於內庭之厥年

人物

六十四上
墓悼惜贈貝
州觀察使賜葬衣金帶

論曰宦官黨禍自古有之而於漢唐爲尤烈石顯曹節之輩類皆跋扈鴟張以熾其焰讀史至漢唐之世未嘗不歎得人難得人於宦寺則又難也然我獲鹿宦官以忠勇著予考宋紀秦仲文一人而已雖力建大勳躬叨厚祿仍不敢以寵幸專權以自長其驕志斯誠可爲天下後世之宦者法矣噫彼呂疆張承業何人也人苟有志克自振拔豈論宦寺耶

獲鹿縣志卷之十三

金石志

金石文字與史相資且於地理人物山川古蹟各門互相考證不爲無補於邑乘舊志所缺今謹遵省志新例所有歷朝名人碑刻廣爲搜羅筆之於書碑文概不登載洵可爲後賢考古之助也作金石志

唐御史杜秀墓誌

正書調露元年立在高遷村北

尊勝經密多心經幢

續唐書
卷十三
正書長安二年立在本願寺

本願寺石幢

正書長安二年立

裴琳德政記

正書長安三年在本願寺經幢第三面

本願寺陀羅尼經幢

正書神龍□年立

大理寺卿崔昇妻滎陽縣君鄭氏墓志

開元三年十月二十五日□璆書馬懷素文

金剛經般若波羅密經碑

正書開元七年四月八日立在本願寺

舍利塔碑

正書開元九年二月立在本願寺

銅鐘銘碑

行書碑陰八分開元十七年立在本願寺

白鹿泉神祠碑

裴杭八分書韋濟又開元二十四年三月立

白鹿泉神祠碑側神主題名

八分書碑在左側及右側之上有宋金人詩字

本願寺三門碑

行書年月泐攷爲開元間

本願寺陀羅尼經幢

正書年月泐攷爲開元間

縣尉盧重華移石記

正書天寶八載十一月十八日在裴琳德政記後

五□題名碑

正書貞元八年二月十日在裴琳德政記後

朝請郎守滎陽縣令關士約名

正書貞元十九年二月廿五日在裴琳德政記後

成德軍節度下左金吾衛大將軍試殿中監石神福墓志
正書元和八年正月立
在古石邑東十二里

麴氏蓮花佛座題字

正書無年月

孔聖人像

唐吳道子手筆無年月

淮陰侯廟碑

行書宋韓琦題曹涇書

草山天門洞石刻

篆書無年月

論曰宋英郡續記元嘉禾志皆專立碑碣一門爲後世志

乘紀金石之始

國朝阮文達公重修廣東志悉遵古制所有各府州縣歷朝碑碣詳加搜葺以廣見聞今仿其事以載於篇

獲鹿縣志卷之十四

藝文志

劉略班志爲著錄藝文之始而全蜀藝文志猥以詩文入
選後世纂修志乘往往踵其陋習而於著述目錄反缺而
不書識者譏之今謹遵省志新例藝文一門專錄書目本
方人居先遊宦人附後舊志所載碑記詩文凡有裨事實
者則皆移注於各條之下以資考證鹿邑自遭崇禎戊寅
之變所有名人詩古文辭半已付之一炬非無著作也今
就管見所及採入者不過十之一二聊備後賢之甄錄云

作藝文志

本方人著述

五代

賈

緯

唐年譜六十五卷

宋

賈昌朝

羣經音辨 通紀時命 奏議文集一百二十卷

明

曹時聘

條奏河務二疏

崔元裕

四書六辨 雲遊紀畧 飛蝗解 通鑑集疑 大椿堂文集三卷 延年御清金書八卷 大椿

堂十卷十
誠一卷

國朝

張奇逢 猶人集 治心錄 松
隱亭筆 通鑑嚴

魏雙鳳 詔令 頌行 雜新 春費
大計 濫監 規望 借盜

崔如岳 塔璣玉衡賦
排律二十韻

魏述祖 靜遠軒一部
獨旦語一則

崔理昭 著有
易解

高清典 天籟
鳴詩

朱廷棟 茶餘
吟草

流寓人著述

金

元好問

著有詩文集

元

劉因

四書精要三十卷 詩五卷 靜修集十餘卷

論曰古藝文志祇載其篇目而不錄其文以其錄不勝錄也後世郡邑志網羅郡邑之文亦謂之藝文志悞矣今遵古制將金元以後之著述有可考者悉心採入存其精要汰其膚浮此皆余一得之見敢附誌之以俟後之君子

獲鹿縣志卷末

雜志

志何以雜志事之不一者難以分隸各門而不敢擅自刪去缺而不錄也舊無雜志識者少之今謹遵省志新例博採遐稽或欵例無歸彙成一帙或事蹟不類詳載一書見見聞聞附載篇末不可供儒者考鏡之資也哉作雜志

訂訛

星野門費直起婁十度舊志載十一度今據天文志更正獲邑分野當在畢宿所屬今據天文志補入以備參考

縣治在府西南六十里今丈量東西廣四十三里南北袤七十五里省志府志舊志均不符今悉更正

輿圖今經逐一履勘與舊志不符茲將城池之方向山川之道里壇廟之基址村莊之坐落詳細載明以便稽考虎頭山在縣東北七里省志誤載虎山不知縣境西北又有虎山無甚區別今更正之

爾雅云兩水相交爲之洑水經注云洑不出山而假力於近山之泉其源有四泉在蓮花營者二在降壁村者二相去五六里許考蓮花營降壁村皆縣屬也寰宇記註

審音誤矣

山川門舊有孝河一道今考浚水源流支派實係浚孝同音孝字之訛非浚河外又有一孝河也刪之

鹿城今丈量周圍三里六分零一步高三丈一二尺不等寬一丈五六尺不等與省志舊志周圍里數不符今悉更正

趙陵的係趙佗先塚歷有碑記可證並廣輿記及元和志一統志省志郡志一一考訂均相符云

韓侯背水陣處今考地志並府志背水列陣在微水舊志

誤載在土門關未免歧異刪之

仙人洞在抱犢山之西北隅舊志誤

龍窩在縣南三十里楊家莊舊志誤

大公廟係本縣郭莊張大宏邑人以大公稱之後世感其德立爲大公廟省志郡志舊志均誤載太公廟今據碑

更正

義學舊志所載亦甚明晰惟井陘道員缺裁去其所助營田租米以作義學薪水工房早有案卷可憑志中仍稱營田轉合後來營汎希圖米石聚訟不休今改其名曰

義學田庶幾有區別而絕無何焉

知縣趙惟勤嘉靖三十二年任府志誤載三十年任周埰
康熙三十七年任府志誤載二十七年任今據本縣題
名碑載入

陰陽訓術醫學訓科二員例應本鄉人由本縣具結稟請
保舉當列在選舉門舊志載入官邸誤矣今悉更正
補遺

虎山大翻山洞溝山舊志未載今增入

縣境舊有沙河一道今考此河向呼爲小沙河舊志未載

省志府志皆誤載北沙河轉與元氏北沙河混而爲一
今仍小沙河之名庶知二水發源各異兩不相涉云

治河溥蓮河小沙河舊志未載今增入

治河考治河渠治河辨汶河考今增入

古蹟飛龍城古恆州城縣蔓故城樂陽故城陳餘壘大唐
渠舊志未載今據郡志補入

十八社村莊舊志尚畧今將圖說詳載

方音舊志所缺今昭靈壽志補入

戶口田賦舊志只載雍正年爲始遺漏太多今自明季以

來一切項欵數目查明補入

存退公產及旗民交產向混入民戶今專立一門以示區別

事紀今改世紀分事畧祥異二門考舊志尚多遺漏今照綱目按時代挨次增入

井陘口考古井陘口有二一在井陘固關一在縣境土門關今並載入

井陘考今照史記摘錄增入

留養局乾隆初年尚未設立舊志所缺今增入並附載規

條

養濟院規條今照府志增入

歷代聖廟考諡號封爵考廟額廟制舊志未載今補入

兩廡先賢先儒祀位考舊志所載尚畧今將諡號籍貫生

卒年歲何代配祀從祀一一詳載

崇聖祠及兩廡先賢先儒舊志所載尚畧今詳載

大成殿崇聖祠兩處禮器樂器舞器祭品陳設祝文舊志

未載今悉增入

學額多少學校中向有定例最關緊要不可遺漏舊志未

載一大缺典今照學政全書補入

太行白鹿兩書院舊志未有專條一附於古蹟一見於義學輕重失倫轉與遺漏者同抱湮沒之憾今專立一條詳載學校以示鄭重

義學舊設五處今各村又增四處

牛山堞樓二座奇石山殪虜臺舊志未載今據碑添入方嶺寨方公寨舊志未載今補入

明井徑道入名宦者添蔡懋德馮師孔楊汝經三人獲鹿縣入名宦者添韓國瓚張素志二人今據府志增入

兵憲舊志只載九人遺漏太多今據郡志增入

鎮遠將軍大都督土門今常山守土門路巡檢河北轉運使提督三關等員雖非本縣守土之官但旌節所駐皆有功德於民亦不可畧舊志未載今照府志增入

崔行功本井陘人唐時流寓於此舊志未載今補入

光緒丁丑邑境大旱山西尤甚直晉兩省轉運平糶各局俱設立東西兩關之外以救晉民世紀志漏載今補入
光緒戊寅大米每斗一千五百文小米一千三百文春夏
瘟疫死者無算世紀志漏載今增入

光緒戊寅夏六月二十六日丑刻地震世紀志未及載今

增入

論曰我獲鹿前明嘉靖志板毀於崇禎戊寅僅存草本一
二缺略尚多乾隆志極力採補因而兼創或見聞之失實
或著作之傳訛識者謂盡美未盡善矣今志博採羣書悉
心參訂缺者補誤者刊一年以來逐加更正彙萃成編所
有體例出自

憲裁參以嘉禾臨安建康靈壽吳郡諸先輩名志遵循有自
不敢妄事更張所有新志章程於凡例言其略而於雜志

道其詳俾後之覽斯志者庶知區區纂輯之愚衷焉

述異

青龍寨在縣南三十七里昔名李廣山亦名父子山至明改名青龍寨蓋當明末之時闖逆犯順於崇禎八年十月初八日率領流賊至此近山有南甘子與羊角莊兩村百姓逃至山上避難賊衆四面旋繞自辰至酉攻其山者數次山上之人但見山坡俱是異羊異犬與賊相爭賊不能勝解圍而去兩村鄉老以爲此山有神願與之立廟廟成又不知山神應塑何像深以爲憂忽於神

座前見一巨蛇其色如漆衆皆驚倏然不見鄉老曰此卽山神之顯爲示也蛇者龍像也因此像成遂改名此山爲青龍寨云

縣東南三十里鎮頭村光緒元年十二月二十日辰刻忽於雲霧中現出城形雉堞宛然村人皆見之按鎮頭村卽古恆州城

靈巖寺在郝家莊西寺前有小橋一座石隙中生柏一株兩枝並茂如人字形皆呼爲人字柏

論曰山經誌怪爾雅搜奇古之人見一異事闢一異詞未

嘗不備載於書也今志添述異一門殆本山經術雅之意也夫

雜詩

滑縣官軍行

朱廷棟

邑人

魚帛狐火之不可以欺兆億赤眉黃巾之不可以有社稷
版泉一戰妖氛熄神器豈能歸姦慝今胡爲者常山兼調
綠旗兵云是滑縣往征白蓮賊白蓮賊以妖術邪書恣扇
惑蠱起蟻聚謀河北白骨橫街血滿漚民生一何可悽惻
屋上啞啞飛烏黑黃狐赤狐入門闖渾河一帶起狼煙王

師圍集衛輝域偏仄兮何偏仄兵在郊兮伏寇在側山有

猛虎江有賊鷓鴣哥哥行不得草落子無地植候婦抱

子無處匿畏首畏尾身餘幾烏為食畢豺狼食為我請官

軍慎勿學坑卒屠城之殘刻足寒傷心怨傷國但當救民

於水火塗炭中使之男者安耕女安織飛蝗莫取青冀稽

明珠莫載伏波蕙莫縱咸陽城中炬莫愛景陽井中色脫

鉤之魚避網罟驚弓之鳥避矰弋腰中寶劍秋月光可許

草間逃匍匐君不聞盛世兵如雨疾豪傑爭為國助力亂

世兵如掃密丁壯遂為敵樹翼死者已傷白刃還存者蓋

用青鋒逼逼賊避舍史筆誅殺民爲功明神殛歸來河南
兒女血濺戰袍紅忽向燕然山中刻勒石

飛蝗歌

前人

黃河以北蝗蟲飛蝗飛欲落蝗欲饑蝗饑食禾不食草秋
禾瘦損飛蝗肥捕蝗蝗已飛遍地蝗復生螭鼓輕翅百八
十縣齊掘壞常山一帶無遺穗吁嗟乎水旱連年無稻糧
樹皮剝盡草根黃嗟民亦且勿悲傷城有官倉村義倉吁
嗟乎倉中糞穀應紅腐共坐空田淚如雨

施氏烈女歌

前人

比翼鳥不分飛女有字身有歸愛莫愛分心相結痛莫痛
兮死長別浮萍非水將何依女蘿不附珊瑚枝食蓮不苦
梅不酸花恆畏風草畏寒耳不必截指不必斷九泉貞骨
與郎着兒身願化乳燕子雙宿梁間雙浴水

苦旱災

曹

鏐

海甯州人

漫說去年旱災苦說苦今年倍去年從來旱災亦常有未
聞斗米過千錢赤手農夫囊罄漢一日三餐多間斷賣妻
鬻女飽難圖所得身價值幾貫草根木葉當饗殮猶是蒼
天一綫恩難奈焦土黍藿盡骨髓已乾齒牙存家骨肉

不相顧老轉溝壑幼委路壯者散而之四方性命苟延日
難度獸食獸兮人且惡人將相食震天怒君不見三五成
羣惡少多衣食無資共操戈鄉村搶擄無朝夕人命殺傷
在頃俄又不見春來夏初染癘氣十家九舍聲歎病無
藥餌死無棺目擊神傷心如沸吁嗟乎饑寒已極不堪憂
寇盜充斥鎮日愁加之貧病交相迫困苦顛連何日休幸
逢

仁慈聖天子送降

請首救旱荒轉運兼平糶紛紛設局洵多方如不虛糜沾

實惠淑顯錫黎鼓展列首公

君王

棄兒行

前人

我今生兒我難育衣無褐兮食無穀
望來年新麥熟今歲禦冬無旨蓄
與其饑孺死溝瀆孰若拋棄猶生鞠
傳說晉西苦旱災家家兒向爺娘哭
阿爺棄兒淚盈掬阿娘棄兒心剜肉
從今一去生別離誤投梨園誠難卜
千言萬語呼蒼天但求良家啜半菽
揣度依依父母情毋謂殘忍不我畜
吁嗟乎民間棄兒歸不復玉器乏人
荒旱逐何如伯

道早無兒付之達觀任勞獨繪出流離圖一幅覽者傷心
又慘目有時悔禍天意回爲民父母默禱祝不願私求福
不願貪求祿惟願

聖朝雨暘時若屢豐年會看逃亡子民骨肉團圓復邦族

尋史天澤神道碑

在馬邑又高丈餘久爲積
土崩壞今只留四五尺矣 崔家年 邑人

君家兄弟皆魁梧偉然八尺負名驅只爲中原不可扶一
腔忠義輔元胡大兄赫赫握兵符次兄學不愧通儒君才
猶是郭曹徒金人殄滅武仙俘常山久困得君蘇甘霖灑
遍厥功膺進拜丞相秉鈞樞條陳章奏盡嘉謨天柱一旦

折中途訃聞元玉淚如珠諡曰忠武信非誣更勒貞珉樹
通衢上蟠龍氣下靈跌屹然高聳似浮屠五百餘歲字模
糊僅留半段在平蕪我來訪古日已曩欲讀不得只歛歔
金石雖堅終有枯風霜剝蝕總歸無唯有口碑不曾渝大
名藉藉在寰區君不見樵夫牧豎解歡呼

自獲鹿歷井陘山行志險

朱佩蓮

嘉興人

循途至獲鹿矯首上大行我衣攝短後我馬歷高岡高岡
復下阪此身隨低昂低昂乍隱現遂深入羊腸當其險隘
處兩崖屹堵牆騎行驛難列車行軌不方一夫井陘口百

萬未可當維天有設險維人思豫防我今奉

使節履道皆康莊白雲徒回首繫心向朝陽

醫婦吟

縣令壽

頤滿州人

孔雀東南飛五里一翱翔十五爲君婦卽解饜糲糲糲
食無厭白首誓不忘饑饉屢薦臻連年遭旱荒一歲茶茹
苦再歲霍甘嘗三歲竈無煙相對仰空梁忍飢已三日終
無續命湯妾身不足惜君志在四方與其相對死何如鬻
妾換餼糧君得餼糧君不死妾似浮萍逐流水傷心池上

兩鴛鴦雙宿雙飛煙波裏

韓信寨

曹鏞

漢祚四百年至今無寸土淮陰昔將兵遺寨傳千古夷族
縱含冤威名壓高祖伐趙大功臣不與草芥磨

送迎二首

留書符
家莊寺

縣令

孫以德

河內人

曉出躬迎過符莊愛閒偶爾扣禪房那知盛世無游惰雨
後耘苗僧亦忙

生平氣岸與雲肩睡破梅窗古夢殘今夜不論風共雨淒
然長跪宰官前

行視縣南諸村

前人

年來欣喜好桑麻社鼓村歌樂事餘處處經過獻酒果不
妨適意到民家

七夕宿獲鹿縣署話別感賦

王士正

濟南人

無數青山繞縣門秋河斜處已黃昏朝來又向并州路雙
淚憑君寄故園

靈巖隱洞

高濤典

邑人

神巧玲瓏此洞天蕊珠一串阿誰連往來真箇人如蟻借
得禪燈曲曲穿

海山石柏

前人

靈根不問阿誰栽
枝葉陰森暗入苔
自九天施雨露滿
山挺出棟梁材

過占戰場

前人

十里平沙古戰場
愁雲慘淡野風涼
只今班馬蕭蕭處
不
必從軍亦斷腸

禪林寺精舍

金
李著

石逕蓬蒿一尺深
小軒岑寂古禪林
鳥聲落枕有高下
山色怡人無古今
客裏三年侵老境
牀頭一夜澆塵襟
晚涼
枯坐忘言說滿地
西風白玉簪

螺髻山別達觀禪師

傅光宅

聊城人

螺髻鐘鳴大夢醒春深分手斷腸亭高原雪夜千山白遠
嶺風前萬樹青振錫有時開眼藏掛冠爭忍負心靈龐家
父子同參處香滿金爐花滿瓶

論館中諸生

兵憲

王崇

永康人

曾孟當年亦布袍鳳凰千仞快風翱六經了處皆糟粕四
海何人得鼻尻盜土有春坤象具洞天無夜月輪高足根
立定金鰲斷五百昌期續彥髦

苦稅

兵憲

鄭一麟

山陰人

權稅如斯害思言黃旗中使遍人間聚藏隱市多衰耗負
載關津鮮往還欲大照乘仍竭海思高北斗更容山深愁
甲第終難弭早詔停征一解顏

望北嶽

三首

提學馬三才
錢塘人
御史

黑帝行宮何處求曲陽城護石壇幽恆宗上應辰樞舊祀
典闕開世代悠山接五臺常北拱水分三晉盡東流峰巒
環繞燕雲外劫奠中華億萬秋

大茂秋深爽氣滋山城習靜恣遊時何當巡狩逢虞典還
憶登封陋漢儀天近松楸饒雨露日臨宮殿動蛟螭微虔

展罷情無已重訪江湖未有期

去年東嶽暮春歸今日西關欲授衣
域內名山真獨勝世間何石可能飛
雲霄檜老蒼龍起晉魏碑殘碧蘚依
民瘼冀方曾念及水鄉八月稻梁稀

均巖公頽贈師東旋

趙年松

夢上煙霞高處行癖尋山水似多情
飄飄已逐遊仙侶隱隱遙聞吹笛聲
古寨入雲疑有路碧崖如畫不知名
洞花解笑忙歸客山雨隨東灑俗纓

八景詩

揚睿

邑人

靈巖隱洞自天成抱犢峰嵐瑞靄凝雨過海山石柏現雲
開橫嶺翠屏生殘碑剝落遺韓廟煙樹蒼茫鎖趙陵更有
龍池施夜雨鹿泉水湧若珠傾

舊井陘阻雨和壁間孟望之韻

蔡祐

曉風吹雨細還斜
臥看留題廢浩嗟
錦里並存諸葛祀
釣臺獨傍子陵家
多謀好爲蛇安足
不賞繇成鬼載車
芳草王孫今不見
空山野水自浮花

戊戌夏偕劍山兄邀觀察吳虛菴使君

孫化龍

邑人

一尊遙待鹿溪湄
深荷文侯不失期
萬壑煙雲生劍佩
千

峯雷雨灑旌旗禪關頓覺紅塵遠古洞渾將暑氣移最喜

商霖霑又足不妨夜月更傳卮

公雨中枉臨故用虞人事又時方苦旱得雨故云

乙酉春日邀王北岡年兄及腹心上人同遊

王兄冀州人歷官長吏腹

心名

溥章

前 人

迢遙古寺翠微傍共逐春光載酒觴洞口風和花欲笑巖
前日暖草初芳論心喜對長沙傳聽偈疑登惠遠堂此際
登臨興不淺殊方色相總相忘

留侯

朱廷棟

博浪休嗟一擊空韓亡猶見此孤忠著籌漢室仙人術虎

嘯秦關處士風爵祿自逃羈絆外君臣皆在指揮中赤松
黃石無消息蘓醞徒悲獵狗功

龍池夜雨

前人

愛遊香刹遂忘歸晴夜何來雨氣微蓮漏豈從禪舍滴天
花可向梵宮飛棋殘院靜聽檐溜燭滅簾疎看月輝爲覓
龍池龍去否滿庭風露溼人衣

鹿水飛珠

前人

射鹿人來逐鹿年且因縱獵覓甘泉一時沒羽聲催石千
古飛珠色湄川夜靜倒涵星影亂曉晴斜映露華圓望梅

空止軍中渴餘澤曾無到井田

冷善亭避暑

亭在城西八里
白鹿泉源之右

高古典

火雲高下暖如烘此地清涼了不同
半畝小園山色裏萬竿修竹鳥聲中
綠蕉雅爲搖團扇紅藕香宜送好風
便已藏身冰雪窟何須直到廣寒宮

仙人洞

閻淮

文洲
邑人

乾坤何處覓仙鄉古洞訛傳抱犢陽

舊志載在
抱犢之陽

煙鎖靈祠

人寂寂苔封曲徑跡茫茫煉丹空羨蓬瀛侶採藥愁無姓
氏揚惟到天門探異境山邨別有一麻桑

聞茂才淮經理局務勞瘁不辭功未竣
以時疾卒深爲惋惜爰錄其詩以誌之

丁酉冬日兒曹會友諸兄招飲

孫化龍

螺嶺寒煙肅禪宮綺席陳情因道義重樂自友朋真列嶼
堪共酒陽暉可愛人指南吾有媿羣輩自相親

自獲鹿至井陘道中雜詠

五律
三首

王士正

濟南人

纔過鹿泉側呀然開土門崩崖一線路喬木幾家村障日
山多暝狂風晝易昏聞雞已亭午身在武陵源

少日紛多慨龍門太史書劫殘秦復趙齒冷耳兼餘豈
無雙去而師李左車到頭鐘室恨功狗竟何如

原书缺页

先大夫沂水府君肄業寺中
余與兒曹又先後在此肄業

戊申春日邀夏柏軒二守趙葵軒文學同遊 前人

一逕入禪林行行傍列岑山迎遲日麗洞鎖白雲深與洽
局重布情歡酒更斟雖無絲與竹鐘磬有餘音

晚過華巖寺

魏述祖

踏破黃昏月華巖匹馬過病鴉驚樹杪守犬吠禪窩韻遠
關黎磬風傳牧豎歌小莊三里外遙見暮煙多

雨後自獲鹿赴靈壽

樊獻科

佩劍當秋曙征驂渡水鄉沙原隨岸落邊塞入雲長野色

疑黃黍蟬聲曳白楊愴悼問民隱北望思茫茫

偕同寅遊西園

韓國瓚

我愛西園好時和日往還入池千澗水繞戶萬重山客坐
百花裏亭臨四望間竹深含翠色柏老帶蒼顏鳥與人歌
曲溪隨石轉灣興懷言不盡物我共閒閒

復會父老

前人

去去無多歲此來父老隨笑言反拙語驚喜卻含悲繾綣
訢前事殷勤問後期勉旃無念我臨別各遲遲

固關入直境喜雨並示獲鹿井陘二令

制軍

方觀承

桐城人

細雨溼前旌春風幾旬行層田青綴嶺遠樹碧依城雲共
關門啟花分邑界迎欣聞

行慶日

帝澤暨東瀛

與朱韻山馬一峰兩同年夜宿僧舍 高古典

雲木鴉初寂禪房戶一扇數椽高士榻一卷法華經敲月
僧遊倦炊梁客夢醒長明燈影下相對話忘形

初冬山行偶遇僧舍 前人

荒山青笠客匹馬度陵嶒冷雨晚兼雪懸流高帶冰半林

黃葉路一杖白頭僧遙指西岩下長明照夜燈

贈龍泉寺洞佩禪師

前人

洞佩河南人也性善吟詩兼岐黃麻衣之術年十餘歲至獲愛龍泉山水之勝因削髮焉終日獨居一室經懺之暇善吟詩予曾記其兩句詩云浮雲笑人世空山移我情其超曠類如此時年八十六矣

巔僧與狂客本性雅相宜偶遇山門下同銜尊酒時禪心
千嶂雪天籟一囊詩願結煙霞侶茆廬共竹籬

詠柏

泮池左右
辛未年栽

高若岡

邑人

覓得南山柏慙歎手自栽
翦除荆棘地培養棟梁材
活翠

籠片澗澗青映竹槐

戟門內舊有竹節槐故云

蒼蒼依泮壁不畏雪霜

摧

高明經若岡同治九年重修明倫堂董司其事見泮池
左右荆棘叢生督率工匠剪除殆盡栽植新柏三十株
時灌溉之今年邁古稀全邑纂修志乘明經又總理局
務計三年之久始終勤慎頗能耐勞尤堪嘉尚因錄其
詩附載數言以誌其
先後急公之意焉